

春秋四傳列國論卷之五目錄

鄭鄭桓公友厲王以立宣王庶弟宣王封于鄭
犬戎殺桓公鄭人子其子武公武公子莊公

莊公論



厲公突

昭公

子亶

子儀

厲公奔蔡復入 論一則

文公

穆公 論一則

靈公

襄公

悼公

成公

僖公

簡公

定公

獻公

聲公

右論六則

論一則

論一則

論一則

論一則

論一則

論一則

論一則

論一則

論一則

論一則

目終

春秋列國論卷五

鄭

明婁東張溥西銘父著

姬姓伯爵出自周厲王少子友宣王母弟也宣王二十二年封友於鄭在西都畿內亦名咸林秦內史漢京兆尹唐為華州華陰郡之鄭縣也今華州城北有古鄭城立二十三歲百姓皆便愛之幽王以為司徒王室多難友寄帑于號鄆之間因取二國地為司徒二歲死犬戎難是為桓公其子武公掘突定平王於東都亦為司徒卒得號鄆鄆蔽補

丹依燦歷萃十邑地前莘後河而食溱洧在濟西
洛東河南潁北四水間乃徙其封而施舊號於新
邑謂之新鄭卽鄆國都武公立二十七年卒子莊
公寤生亦相平王爲司徒莊二十二年入春秋後
聲公二十年獲麟傳四世至鄭君乙一百四年韓
哀侯滅之

莊公

名寤生武公子二十一年入春秋桓十一年卒在位四十三年諡法勝敵克壯曰莊

隱元年

夏五月鄭伯克段于鄆

左傳

鄭共叔之亂公孫滑出奔衛衛人爲之伐鄭取廩延鄭人以王師號師伐衛南鄙請師於邾邾子使私於公子豫豫請往公弗許遂行

及邾人鄭人盟于翼不書非公命也

二年冬鄭人伐衛

三年冬十有二月齊侯鄭伯盟于石門

左傳

鄭武公莊公爲平王卿士王貳於號鄭伯怨王王曰無之故周鄭交質王子狐爲質於鄭鄭公子忽爲質於周王崩周人將畀號公政四月鄭祭足帥師取温之麥秋又取成周之禾周鄭交惡

四年夏宋公陳侯蔡人衛人伐鄭 秋翬帥師會宋公

陳侯蔡人衛人伐鄭

五年秋邾人鄭人伐宋 冬宋人伐鄭圍長葛

左傳

曲沃莊伯以鄭人邢人伐翼 四月鄭人侵

衛牧以報東門之役衛人以燕師伐鄭鄭祭足原繁洩駕以三軍軍其前使曼伯與子元潛軍軍其後燕人畏鄭三軍而不虞制人六月鄭二公子以制人敗燕師于北制

六年春鄭人來輸平

左傳

五月庚申鄭伯侵陳大獲鄭伯如周始朝桓王也王不禮焉

七年

左傳

陳及鄭平鄭公子忽在王所故陳侯請妻之鄭伯許之乃成昏

八年春三月鄭伯使宛來歸柩

左傳

四月甲辰鄭公子忽如陳逆婦媯辛亥以媯氏歸甲寅入于鄭陳鍼子送女先配而後祖鍼子曰是不為夫婦誣其祖矣非禮也何以

九年

左傳

能育八月丙戌鄭伯以齊人朝王禮也

十年春王二月公會齊侯鄭伯于中丘夏翬帥師會

齊人鄭人伐宋秋宋人衛人入鄭宋人蔡人

衛人伐戴鄭伯伐取之冬十月壬午齊人鄭人

入邲

左傳

九月戊寅鄭伯入宋

十一年夏公會鄭伯于時來秋七月壬午公及齊侯

鄭伯入許

左傳

王取郟劉蕩邾之田于鄭而與鄭人蘇忿生

之田温原締樊隰邲攢茅向盟州陘墮懷君子是以知桓王之失鄭也 鄭息有違言息侯伐鄭鄭伯與戰于境息師大敗而還 冬十月鄭伯以虢師伐宋壬戌大敗宋師以報其入鄭也

桓元年 春三月公會鄭伯于垂 鄭伯以璧假許田夏

四月丁未公及鄭伯盟于越

左傳 冬鄭伯拜盟

二年 春三月公會齊侯陳侯鄭伯于稷以成宋亂 秋

蔡侯鄭伯會于鄧

五年 夏齊侯鄭伯如紀 秋蔡人衛人陳人從王伐鄭

六年 左傳 北戎伐齊齊侯使乞師于鄭鄭太子忽帥師

救齊六月大敗戎師獲其二師大良少良甲首三百以獻于齊於是諸侯之大夫成齊齊人饋之餼使魯為其班後鄭鄭忽以其有功也怒故有郎之師公之未昏于齊也齊侯欲以文姜妻鄭太子忽太子忽辭人問其故太子曰人各有耦齊大非吾耦也詩云自求多福在我而已大國何為君子曰善自為謀及其敗戎師也齊侯又請妻之固辭人問其故太子曰無事于齊吾猶不敢今以君命奔齊之急而受室以歸是以師昏也民其謂我何遂辭諸鄭伯

十年 冬十有二月丙午齊侯衛侯鄭伯來戰于郎

十一年 春正月齊人衛人鄭人盟于惡曹 夏五月癸

未鄭伯寤生卒 秋七月葬鄭莊公

春秋為正人倫而作首誅者其鄭莊公乎寘母姜氏

春秋列國諸卷五
于城穎是不子也。取温之麥。成周之禾。是不臣也。伐
鄆。逐太叔段。是不兄也。大倫絕矣。何以立于諸侯。然
而春秋之始。盟會侵伐。記鄭獨詳。或合諸侯以離諸
侯。或連諸侯以伐諸侯。皆莊公爲之。莊固小人而雄
者也。共叔之亂。公孫滑奔衛。衛者鄭所怨也。宋穆公
卒。公子馮出居于鄭。馮者鄭所挾以謀宋者也。鄭既
致難于宋。衛則不得不結齊而與盟。是故石門一盟。
齊鄭合而天下多故矣。鄭合齊而後可以交魯。交魯
而後可以離宋。離宋於魯而後可以合魯。伐宋。隱公
之時。鄭輸平歸。祊乃會于中丘。桓公之時。鄭以璧假

許田。乃盟于越。中丘之會。齊侯鄭伯同之。鄭猶藉齊
以交魯也。時來垂。越獨有鄭伯。則益親無間矣。魯隱
未與鄭平。翬帥師會宋陳蔡衛以伐鄭。既平也。翬又
會齊鄭以伐宋。夫魯桓公母仲子。宋武公女也。隱公
攝位以桓故而求好于宋。元年盟宿。四年遇清。厚宋
獨甚。自鄭間之而易親。爲讐。易德爲怨。譎哉。莊公之
善用間也。隱公八年。鄭使宛歸祊。欲易許田。魯受祊
而未之許。及桓弒立。鄭加璧以請。既得許田。卽與魯
盟。盟曰。淪盟無享國。桓公二年。宋督弒殤公。召莊公
于鄭而立之。鄭志遂矣。諸侯會稷以成宋亂。兩年之

內○魯○宋○皆○弑○其○君○鄭○莊○而○有○志○于○諸○侯○聲○罪○以○討○方○
伯○連○帥○可○自○為○也○而○莊○公○不○能○蓋○其○人○上○負○罪○于○天○
王○內○懷○慚○于○母○氏○也○前○者○州○吁○之○亂○衛○人○自○請○于○陳○
而○殺○之○鄭○不○敢○與○莊○公○雖○雄○黨○賊○久○矣○豈○討○賊○者○哉○
宋○殤○在○位○鄭○屢○興○師○宋○莊○立○德○鄭○而○不○與○爭○也○鄭○與○
宋○爭○假○王○靈○以○壓○之○借○魯○師○以○困○之○既○好○于○宋○即○不○
朝○以○來○王○師○而○有○繻○葛○之○戰○太○子○忽○爭○班○怒○魯○而○有○
郎○之○來○戰○惡○曹○之○盟○若○曰○我○已○定○宋○周○與○魯○又○何○藉○
焉○莊○之○為○人○也○其○心○忍○其○詞○文○易○田○而○曰○假○襲○紀○而○
曰○朝○伐○許○而○欲○有○之○則○使○許○叔○居○東○偏○公○孫○獲○居○西○

偏○曰○我○無○利○許○祝○聃○射○王○中○肩○則○曰○不○敢○陵○天○子○使○
祭○足○勞○王○且○問○左○右○內○懷○諉○而○外○為○恭○無○之○非○偽○也○
逐○其○弟○而○愧○糊○口○離○其○母○而○賦○大○隧○家○人○骨○肉○之○間○
猶○設○詞○以○欺○口○實○何○有○於○四○方○之○交○乎○然○宋○衛○之○入○
鄭○長○葛○之○圍○取○則○鄭○不○勝○宋○鄧○之○會○則○鄭○又○懼○楚○莊○
公○之○長○亦○惟○傾○危○離○合○稱○雄○列○國○耳○謂○之○善○戰○則○烏○
乎○敢○

昭公

名忽莊公嫡子繼立三月為祭仲廢出亡在外桓十六年復位十七年弑在位二年

諡法容儀恭美曰昭

厲公

名突莊公庶子逐昭自立桓十二年即位四年十五年出奔蔡秋復入居櫟莊

十四年弒子儀復位二十一年卒通計在位十二年諡法殺戮無辜曰厲

桓十年秋九月宋人執鄭祭仲突歸于鄭鄭忽出奔衛

十二年冬十有一月丙戌公會鄭伯盟于武父 十有

二月及鄭師伐宋

十三年春二月公會紀侯鄭伯已巳及齊侯燕人戰齊

師宋師衛師燕師敗績

十四年春正月公會鄭伯于曹 夏鄭伯使其弟語來

盟 冬宋人以齊人蔡人衛人陳人伐鄭

十五年夏五月鄭伯突出奔蔡鄭世子忽復歸于鄭

秋九月鄭伯突入于櫟 冬十有一月公會宋公

衛侯陳侯于袤伐鄭

十六年夏四月公會宋公衛侯陳侯蔡侯伐鄭

十七年左傳

初鄭伯將以高渠彌為卿昭公惡之固諫不聽昭公立懼其殺已也辛卯弒昭公而立公子豐君子謂昭公知所惡矣公子達曰高伯其為戮乎復惡已甚矣

子亶 昭公弟高渠彌弒昭立之桓十八年即位秋為齊討其罪殺之

桓十左傳

秋齊侯師于首止子亶會之高渠彌相七月戊戌齊人殺子亶而轅高渠彌祭仲逆鄭子于陳而立之是行也祭仲知之故稱疾不往人曰祭仲以知免仲曰信也

子儀 昭公弟莊元年即位十四年弒厲公復入

春秋左傳卷五 莊十四 夏齊侯陳侯鄭伯遇于垂

年十四左傳

鄭厲公自櫟侵鄭及大陵獲傅瑕傅瑕曰苟舍我吾請納君與之盟而赦之六月甲子傅瑕殺鄭子及其二子而納厲公初內蛇與外蛇鬪於鄭南門中內蛇死六年而厲公入公聞之問于申繻曰猶有妖乎對曰人之所忌其氣燄以取之妖絲人與也人無釁焉妖不自作人棄常則妖興故有妖厲公入遂殺傅瑕使謂原繁曰傅瑕貳周有常刑既伏其罪矣納我而無貳心者吾皆許之上大夫之事吾願與伯父圖之且寡人出伯父無裏言入又不念寡人寡人憾焉對曰先君桓公命我先人典司宗祏社稷有主而外其心其何貳如之苟主社稷國內之民其誰不為臣臣無二心天之制也子儀在位十四年矣而謀召君者庸非貳乎莊公之子猶有八人若皆以官爵行賂勸貳而可以濟事君其若之何臣聞命矣乃縊而死

厲公

莊十四年冬單伯會齊侯宋公衛侯鄭伯于鄆

十五年春齊侯宋公陳侯衛侯鄭伯會于鄆 秋鄭人

侵宋

十六年夏宋人齊人衛人伐鄭 秋荆伐鄭 冬十有

二月會齊侯宋公陳侯衛侯鄭伯許男滑伯滕子

同盟于幽

左傳

鄭伯治與於雍糾之亂者九月殺公子闕則強鉏公父定叔出奔衛三年而復之曰不可使共叔無後於鄭使以十月入曰良月也就盈數焉君子謂強鉏不能衛其足

十七年春齊人執鄭詹秋鄭詹自齊逃來

二十左傳

春鄭伯和王室不克執燕仲父夏鄭伯遂以王歸王處于櫟秋王及鄭伯入于鄆遂入城周取其寶器而遷冬王子頹享五大夫樂及徧舞鄭伯聞之見號叔曰寡人聞之哀樂失時殃咎必至今王子頹歌舞不倦樂禍也夫司寇行戮君為之不舉而况敢樂禍乎奸王之位禍孰大焉臨禍忘憂憂必及之盍納王乎號公曰寡人之願也

二十一年夏五月辛酉鄭伯突卒冬十有二月葬鄭厲

公

鄭出其東門之詩序曰閔亂也公子五爭兵革不息男女相棄民人思保其室家焉五爭者何宋人誘祭

仲而執之祭仲盟立厲公昭公奔衛是一爭也祭仲

殺雍糾厲公出奔蔡鄭世子忽復歸于鄭是二爭也

高渠彌弑昭公立子亶是三爭也齊人殺子亶而輟

高渠彌祭仲逆鄭子于陳而立之是四爭也傳瑕殺

鄭子而納厲公是五爭也鄭莊為君陷母弟害隣國

搆人之骨肉而啓兵戎宋被其禍尤烈身沒未幾世

嫡出奔庶孽奪正推刃尋讐宋莊為首天道好還誠

不爽哉昭公忽之為太子也北戎侵齊帥師往救獲

其二帥與甲首三百齊僖公欲以文姜妻忽忽以非

偶辭卒以無大國之助至于見逐國人刺之為賦有

春秋列國論卷五鄭

春秋及國語卷五
女同車然文姜內淫適人殺夫幾亡魯國齊有雄狐
之刺魯有敝笱之賦忽之辭婚哲若先幾未可以後
日之敗咎也突立而忽奔突奔而忽入入與奔俱繇
祭仲爲昭公者立而奔奔而入入而弑六七年間爲
君之日無幾鄭人亦不以爲君也鄭人旣不以爲君
則忽于春秋不可以稱鄭伯然而世子之位自在也
于其歸鄭書世子忽焉名之世子又係以鄭當有鄭
者非世子而誰是故鄭世子忽者春秋所閔非春秋
所棄也祭仲爲宋所劫逐忽立突旣知雍糾之謀卽
迎忽而逐突渠彌作亂復以智免擁子儀居鄭十四

年厲公突偏處于櫟若二君然而終不敢窺鄭以權
濟詐沒齒無患有亂國之實而不居弑君之名可謂
狡矣然厲公突之譎忍亦非下人者也祭仲立之卽
謀仲傅瑕納之卽殺瑕及於原繁子闕強鉏定叔無
論親疎必誅無赦其善殺人也猶祭仲爾且也突初
奪國卽與魯桓公盟于武父會于曹又使弟語來盟
專結魯以圖宋奔蔡入櫟之後魯桓會宋衛陳三君
兩伐忽以報突怨子儀在位突猶與齊侯陳侯遇于
垂外厚強黨內搖大位無日忘之再入爲君則齊桓
公初霸時也鄆之兩會抗然在列荆蠻來伐同盟于

春秋列國諸卷五
幽以拒之。齊鄭合而霸事成。中國之利也。然厲公會
鄆而即侵宋。齊人伐之。盟幽而鄭詹為貳。齊人執之。
其將卒也。左傳盛述厲公之功。與虢叔襲殺王子頹。
而入惠王于周。窺其用心。陽附齊桓而不為齊用。將
欲竊定王室之名。以高于諸侯。設彼不死。或與齊桓
爭霸。未可知也。鄭風有女同車。山有扶蘇。籟兮狡童。
及揚之水。皆云刺忽。至于蹇裳之詩。序則云狂童恣
行。國人思大國之正。已以突為狂童。則忽也。非狂矣。
春秋於高渠彌之弑。忽齊人之殺。疊傳瑕之殺。儀厲
公之納。惠王皆畧不書。而與忽之意。微見于詩。在讀

者善逆之耳。

文公

名捷厲公子莊二十二年即位僖三十二年卒在位四十五年諡法慈惠愛民曰文

莊二十七年夏六月公會齊侯宋公陳侯鄭伯同盟于幽

二十八年秋荆伐鄭公會齊人宋人救鄭

閔二年冬鄭棄其師

僖元年秋楚人伐鄭八月公會齊侯桓鄭伯曹伯昭

邾人文于櫜

二年冬楚人侵鄭

三年冬楚人伐鄭

四年春王正月公會齊侯宋公陳侯衛侯鄭伯許男曹

伯侵蔡蔡潰遂伐楚次于陘 冬十有二月公孫

茲帥師會齊人宋人衛人鄭人許人曹人侵陳

五年夏公及齊侯宋公陳侯衛侯鄭伯許男曹伯會王

世子于首止 秋八月諸侯盟于首止鄭伯逃歸

不盟

左傳

陳轅宣仲怨鄭申侯之反已於召陵故勸之城其賜邑曰美城之大名也子孫不忘吾助子請乃為之請于諸侯而城之美遂諧諸鄭伯曰美城其賜邑將以叛也申侯由是得罪

六年夏公會齊侯宋公陳侯衛侯曹伯伐鄭圍新城

七年春齊人伐鄭 秋七月公會齊侯宋公陳世子欵

鄭世子華盟于甯母

八年春王正月公會王人齊侯宋公衛侯許男曹伯陳

世子欵盟于洮鄭伯乞盟

九年夏公會宰周公齊侯宋子衛侯鄭伯許男曹伯于

葵丘

十三年夏公會齊侯宋公陳侯衛侯鄭伯許男曹伯于

鹹

十四年秋狄侵鄭

十五年春三月公會齊侯宋公陳侯衛侯鄭伯許男曹

伯盟于牡丘

春秋及國語卷五
十六年冬十有二月公會齊侯宋公陳侯衛侯鄭伯許

男邢侯曹伯于淮

左傳

冬十一月乙卯鄭殺子華

十九年冬會陳人蔡人楚人鄭人盟于齊

二十年夏鄭人入滑

二十一年秋宋公楚子陳侯蔡侯鄭伯許男曹伯會于孟

二十二年夏宋公衛侯許男滕子伐鄭

左傳

丙子晨鄭文夫人芊氏姜氏勞楚子于柯澤

楚子使師緝示之俘馘

二十四年夏狄伐鄭 冬天王出居于鄭

左傳

鄭子華之弟子臧出奔宋好聚鷙冠鄭伯聞而惡之使盜誘之八月盜殺之於陳宋之間宋及楚平宋成公如楚還入于鄭鄭伯將享之問禮于皇武子對曰宋先伐之後也於周為客天子有事膳焉有喪拜焉豐厚可也鄭伯從之享宋公有加禮也

二十七年冬楚人陳侯蔡侯鄭伯許男圍宋

二十八年夏五月癸丑公會晉侯齊侯宋公蔡侯鄭伯衛

子莒子盟于踐土 冬公會晉侯齊侯宋公蔡侯

鄭伯陳子莒子邾子秦人于温

三十一年秋晉人秦人圍鄭

三十左傳

一年鄭洩駕惡公子瑕鄭伯亦惡之故公子瑕出

楚奔

二十二年夏四月己丑鄭伯捷卒

穆公

名蘭文公子僖三十三年即位宣三年卒在位二十二年諡法布德執義曰穆中情

見貌曰穆

僖三十三年冬晉人陳人鄭人伐許

左傳

楚令尹子上侵陳蔡陳蔡成遂伐鄭將納公子瑕門于桔枋之門瑕覆于周氏之汪外僕鬻屯禽之以獻文夫人歛而葬之鄆城之下

文二十二年夏六月公孫敖會宋公陳侯鄭伯晉士穀盟于

垂隴冬晉人宋人陳人鄭人伐秦

三十三年春王正月叔孫得臣會晉人宋人陳人鄭人

伐沈沈潰

九年春楚人伐鄭公子遂會晉人宋人衛人許人救鄭

十二年冬十有二月己丑公及晉侯盟公還自晉鄭伯

會公于棗

十四年夏六月公會宋公陳侯衛侯鄭伯許男曹伯晉

趙盾癸酉同盟于新城

十五年冬十有一月諸侯盟于扈

十七年春晉人衛人陳人鄭人伐宋

宣元年秋楚子鄭人侵陳遂侵宋宋公陳侯衛侯曹

伯會晉師于棗林伐鄭晉人宋人伐鄭

二年春王二月壬子宋華元帥師及鄭公子歸生帥師戰于大棘宋師敗績獲宋華元 夏晉人宋人衛人陳人侵鄭

三年夏楚人侵鄭 冬十月丙戌鄭伯蘭卒

左傳

鄭文公享國長久適當齊晉兩霸之時同盟于幽鄭服齊也前者文公即位之四年獲成于楚嘗有貳心于齊矣至再盟幽而服者齊桓之能得衆自此始也鄭服齊楚伐鄭檉之會齊救不疾比歲侵伐鄭益告困及齊帥次陘楚盟召陵而後鄭無兵患是故齊霸

之成鄭國之福也然首止一會王世子出臨諸侯咸在鄭伯獨逃歸不盟者何曰奉王命也周惠王寵惠后將廢太子鄭而立王子帶齊桓率諸侯會太子以定其位王心惡焉使周公召鄭伯使叛齊鄭伯遂逃歸以君臣之嘗言之諸侯之盟無王命鄭伯之不盟有王命春秋反貶鄭伯者齊合諸侯以正太子其義公鄭背諸侯以成主私其情惡也逃盟以後齊再伐鄭鄭殺申侯以悅齊盟于甯母而世子華至盟于洮而鄭伯親自乞盟自是于葵丘于鹹于牡丘于淮齊桓盟會鄭伯必從震而後悔悔而無過鄭庶乎有禮

矣。然齊桓薨，楚成強，鄭又離而從楚。齊之盟楚，遂列中國之會。春秋懼焉。楚會諸侯于孟，執宋襄公。襄公歸，憤而伐鄭。楚人救鄭，戰于泓。宋師敗績。君子哀宋之愚惡，楚之暴問，誰為釁則鄭構之，鄭之當誅，豈後楚哉。宋襄卒，成公立，鄭猶從楚，圍宋城濮，一戰楚敗。晉霸，鄭始服。晉文盟于踐土，會于温，而復懷貳無禮。秦晉來圍，則文公晚節猶心乎楚也。晉襄繼霸，鄭穆共令。晉伐許，伐陳，伐沈也。有鄭師，士穀盟于垂隴也。有鄭伯，事晉恪矣。晉襄薨，楚伐鄭，窺晉靈之少，不在諸侯也。晉亟救鄭，猶不失霸。棊之會，新城與扈之盟。

鄭方屬楚，乃宋文弑君，晉不成討。鄭穆輕晉，而比楚。陳宋之侵，竟為楚役。棊林會伐晉，烏容已而大棘之戰，鄭反獲宋華元。晉之威不及鄭矣。士會入盟，楚人侵鄭，鄭雖即晉，亦未與楚絕也。齊桓之時，鄭從齊桓薨而鄭復從楚。晉文襄之時，鄭從晉文襄薨而鄭復從楚。蓋中國有霸則鄭變而之，正無伯則鄭變而之。邪立于邪，正之間，父子相承，莫適主也。是則春秋之鄭而已矣。鄭文初立，狄入衛，鄭棄其師。公子素為賦，清人終其世，狄遂兩侵鄭。鄭之不能自強也。詩人先見其微乎。周襄王違富辰之諫，召狄伐鄭，不免出居。

之辱齊孝公黨楚而讐宋襄晉靈公受賂而不討宋文使鄭之文穆咸起異心諸侯之所崇者王也所畏者霸也王與霸先不足為諸侯觀于鄭也其又何誅

靈公名夷穆公子宣四年即位弑諡法亂而不損曰靈

宣四年夏六月乙酉鄭公子歸生弑其君夷冬楚子

伐鄭

襄公名堅穆公庶子靈公弟宣五年即位成四年卒在位一十八年諡法甲冑有勞曰襄

五年冬楚人伐鄭

左傳

冬楚人伐鄭取成而還鄭公子曼滿與王子伯廖語欲為卿伯廖告人曰無德而貪其在周易豐之離弗過之矣間一歲鄭人殺之

七年冬公會晉侯宋公衛侯鄭伯曹伯于黑壤

九年秋九月晉侯宋公衛侯鄭伯曹伯會于扈晉荀林

父帥師伐陳冬楚子伐鄭晉郤缺帥師救鄭

十年夏晉人宋人衛人曹人伐鄭冬楚子伐鄭

左傳

鄭子家卒鄭人討幽公之亂斲子家之棺而逐其族改葬幽公諡之曰靈

十一年夏楚子陳侯鄭伯盟于辰陵

左傳

厲之役鄭伯逃歸自是楚未得志焉鄭既受盟于辰陵又微事于晉

十二年春楚子圍鄭夏六月乙卯晉荀林父帥師及

楚子戰于邲晉師敗績

左傳

秋鄭伯許男如楚

十四年夏晉侯伐鄭

成二年冬楚師鄭師侵衛十一月丙申公及楚人秦人

宋人陳人衛人鄭人齊人曹人邾人薛人鄆人盟

于蜀

三年春王正月公會晉侯宋公衛侯曹伯伐鄭夏鄭

公子去疾帥師伐許冬鄭伐許

四年春三月壬申鄭伯堅卒夏葬鄭襄公

悼公

名費襄公子成五年即位
在位二年卒諡法年中早天曰悼

成四年冬鄭伯伐許

五年冬十有二月己丑公會晉侯齊侯宋公衛侯鄭伯

曹伯邾子杞伯同盟于蟲牢

六年夏六月壬申鄭伯費卒

成公

名踰悼公弟成七年即位襄二年卒
在位十四年諡法安民立政曰成

成六年秋楚公子嬰齊帥師伐鄭冬晉欒書帥師救

鄭

七年秋楚公子嬰齊帥師伐鄭公會晉侯齊侯宋公衛

侯曹伯莒子邾子杞伯救鄭八月戊辰同盟于馬

陵

九年春公會晉侯齊侯宋公衛侯鄭伯曹伯莒子杞伯

同盟于蒲 秋晉人執鄭伯晉欒書帥師伐鄭

冬鄭人圍許

十年春衛侯之弟黑背帥師侵鄭 夏五月公會晉侯

齊侯宋公衛侯曹伯伐鄭

左傳

鄭伯討立君者戊申殺叔申叔禽君子曰忠為令德非其人猶不可况不令乎

十三年夏五月公自京師遂會晉侯齊侯宋公衛侯鄭

伯曹伯邾人滕人伐秦

左傳

六月丁卯夜鄭公子班自訾求于大宮不

能殺子印子羽反軍于市巳巳子駟帥國人盟于大宮遂從而盡焚之殺子如子駘孫叔

孫知

十四年秋鄭公子喜帥師伐許

十五年春癸丑公會晉侯衛侯鄭伯曹伯宋世子成齊

國佐邾人同盟于戚 夏楚子伐鄭 冬十有一

月叔孫僑如會晉士燮齊高無咎宋華元衛孫林

父鄭公子鱮邾人會吳于鍾離

十六年夏鄭公子喜帥師侵宋 甲午晦晉侯及楚子

鄭伯戰于鄢陵楚子鄭師敗績 秋公會尹子晳侯

齊國佐邾人伐鄭

左傳

春楚子自武城使公子成以汝陰之田求成于鄭鄭叛晉子駟從楚子盟于武城衛侯伐鄭至于鳴鴈為晉故也

十七年春衛北宮括帥師侵鄭夏公會尹子單子晉

侯齊侯宋公衛侯曹伯齊人邾人伐鄭

十八年夏楚子鄭伯伐宋宋魚石復入于彭城冬楚

人鄭人侵宋

襄元年夏晉韓厥帥師伐鄭仲孫蔑會齊崔杼曹人邾

人杞人次于鄆

二年春鄭師伐宋夏六月庚辰鄭伯踰卒

鄭襄公之事晉楚也終其身凡三變即位以來專晉

者也辰陵之間兩屬者也戰邲以後專楚者也專晉

則楚伐專楚則晉伐兩屬則晉楚交伐為鄭國者不

亦難乎會于黑壤會于扈鄭從晉也楚莊伐鄭晉郤

缺來救鄭伯敗楚師于柳蔡國人皆喜惟公子去疾

憂之既而楚圍鄭入自皇門至于達路鄭伯袒迎國

幾夷于九縣使鄭早從楚其無患乎曰否楚莊即位

十五年伐鄭者四未得大志盟于辰陵陳鄭同服楚

遂與晉狎主盟鄭微事晉楚乃圍之夫楚莊未為盟

主猶有畏中國之心鄭雖事晉來伐無名既為盟主

鄭即楚與國也楚之與國而復與晉通棄信倍盟不

直在鄭楚得而問之矣。圍鄭之役，三月而克，復許其平。晉救後期，猶忿而思逞，敗績于邲。鄭屈志奉楚，竟與晉敵。蜀之盟，率十一國而從楚，內外決防夷爲夏主，甚於辰陵，莫非襄公之爲也。襄公卒，悼公立，以許靈之愬，訟而不勝，遂請成于晉。晉景公與諸侯同盟于蟲牢，鄭能幹蠱，晉不忘霸中國之所喜也。其沒忽焉，弟成公繼之，去疾相以如晉見，且拜師。楚子重伐鄭，諸侯救之，鄭獲鍾儀，獻諸晉，同盟馬陵，尋蠱牢之盟也。乃楚人賂鄭，求成，鄭伯會楚公子成于鄧，晉惡其貳也，執諸銅鞮，使欒書伐之。衛子叔黑背侵之，鄭

人立君，晉歸成公。楚人伐鄭，又命公子成求成焉。鄭叛晉，卽楚子罕帥師伐宋，晉厲公怒而伐鄭，戰于鄢陵。楚共傷目，二國敗績，自是晉三伐鄭，重以王臣昭示義討鄭，侵宋如故，至死而無悔志。曰：楚君以鄭故，親集兵于目，不忍背也。夫邲之戰，晉敗于楚，鄭襄公則畏楚而叛晉，鄢陵之戰，楚敗于晉，鄭成公又德楚而讐晉，鄭之于楚，何若是親乎？鄭公子歸生之弑靈公也，欲立去疾，去疾讓諸襄公，其賢也。猶宋子魚矣，獨於晉楚之交，曰：晉楚無信，我焉得有信？廼或晉或楚，訖無寧歲，朝玉帛，夕弓矢，鄭終春秋介南北而無

春秋左傳卷五
固志道不出此皆去疾之謀害之也且襄成初立皆受晉盟被楚禍獨一與楚合沒齒不改雖晉不在諸侯楚善致與國有以召之然為善如登為惡如崩從正難從邪易繇來遠矣從正者曰我正也將棄而從邪則曰正在我與邪者處無害也一與邪接即入而不返猶之鄭去疾曰晉楚不務德而兵爭與其來者可也與其來者與邪也心先不在晉而在楚然後曰與其來者既與其來者則必在楚而不在晉矣

僖公

名髡頑成公子襄三年即位襄七年弒在位五年諡法小心畏忌曰僖

襄二夏六月晉師宋師衛甯殖侵鄭冬仲孫蔑會

晉荀罃齊崔杼宋華元衛孫林父曹人邾人滕人薛人小邾人于戚遂城虎牢

三夏六月公會單子晉侯宋公衛侯鄭伯莒子邾子齊世子光已未同盟于鷄澤

五夏鄭伯使公子發來聘秋公會晉侯宋公陳侯衛侯鄭伯曹伯莒子邾子滕子薛伯齊世子光吳人鄆人于戚冬楚公子貞帥師伐陳公會晉侯

宋公衛侯鄭伯曹伯齊世子光救陳

七冬十有二月公會晉侯宋公陳侯衛侯曹伯莒子邾子于鄆鄭伯髡頑如會未見諸侯丙戌卒于鄆

八年夏葬鄭僖公

左傳

鄭羣公子以僖公之死也謀于駟子駟先之夏四月庚辰辟殺子狐子熙子侯子丁孫擊孫惡出奔衛

簡公名嘉僖公子襄八年即位昭十二年卒在位三十六年諡法平易不疵曰簡

襄八年夏鄭人侵蔡獲蔡公子燮季孫宿會晉侯鄭

伯齊人宋人衛人邾人于邢丘冬楚公子貞帥

師伐鄭

九年冬公會晉侯宋公衛侯曹伯莒子邾子滕子薛伯

杞伯小邾子齊世子光伐鄭十有二月己亥同盟

于戲楚子伐鄭

十年夏楚公子貞鄭公孫輒帥師伐宋秋公會晉侯

宋公衛侯曹伯莒子邾子齊世子光滕子薛伯杞

伯小邾子伐鄭冬盜殺鄭公子駢公子發公孫

輒戍鄭虎牢楚公子貞帥師救鄭

左傳

秋七月楚子囊鄭子耳伐我西鄙還圍蕭八月丙寅克之九月子耳侵宋北鄙孟獻子曰鄭其有災乎師競已甚周猶不堪競况鄭乎有災其執政之三士乎

十一年夏鄭公孫舍之帥師侵宋公會晉侯宋公衛

侯曹伯齊世子光莒子邾子滕子薛伯杞伯小邾

子伐鄭秋楚子鄭伯伐宋公會晉侯宋公衛

侯曹伯齊世子光莒子邾子滕子薛伯杞伯小邾子伐鄭會于蕭魚 楚人執鄭行人良霄

十三左傳

鄭良霄太宰石奭猶在楚楚人歸之

十四 春王正月季孫宿叔老會晉士匄齊人宋人衛

人鄭公孫薑曹人莒人邾人滕人薛人杞人小邾

人會吳于向 夏四月叔孫豹會晉荀偃齊人宋

人衛北宮括鄭公孫薑曹人莒人邾人滕人薛人

杞人小邾人伐秦 冬季孫宿會晉士匄宋華閱

衛孫林父鄭公孫薑莒人邾人于戚

十五左傳

鄭尉氏司氏之亂其餘盜在宋鄭人以子西

伯有子產之故納賂于宋以馬四十乘與師
伐師慧三月公孫黑為質焉司城子罕以堵
女父尉翩司齊與之良司臣而逸之託諸季
武子武子寘諸下鄭人醢之三人也師慧過
宋朝將私焉其相曰朝也慧曰無人焉相曰
朝也何故無人慧曰必無人焉若猶有人豈
其以千乘之相而易淫樂之矇必無人焉故
也子罕聞之固請而歸之 鄭公孫夏如晉
奔喪子矯送葬 十二月鄭
人奪堵狗之妻而歸諸范氏

十六 春三月公會晉侯宋公衛侯鄭伯曹伯莒子邾

子薛伯杞伯小邾子于溴梁 夏叔老會鄭伯晉

荀偃衛甯殖宋人伐許

十八 冬十月公會晉侯宋公衛侯鄭伯曹伯莒子邾

子滕子薛伯杞伯小邾子同圍齊 楚公子午帥

師伐鄭

十九年秋鄭殺其大夫公子嘉

左傳

於四月丁未鄭公孫蠆卒赴於晉大夫范宣子言于晉侯以其善于伐秦也六月晉侯請于王王追賜之大路使以行禮也

二十二年夏六月庚申公會晉侯齊侯宋公衛侯鄭伯曹

伯莒子邾子滕子薛伯杞伯小邾子盟于澶淵

二十一年秋公會晉侯齊侯宋公衛侯鄭伯曹伯莒子邾

子于商任

二十二年冬公會晉侯齊侯宋公衛侯鄭伯曹伯莒子邾

子薛伯杞伯小邾子于沙隨

左傳

夏晉人徵朝于鄭九月鄭公孫黑肱有疾歸邑于公召室老宗人立段而使黜官薄祭祭以特羊殷以少牢足以共祀盡歸其餘邑曰吾聞之生於亂世貴而能貧民無求焉可以後亡敬共事君與二三子生在敬戒不在富也已已伯張卒君子曰善戒詩曰慎爾侯度用戒不虞鄭子張其有焉十二月鄭游販將歸晉未出境遭逆妻者奪之以館于邑丁巳其夫攻子明殺之以其妻行子展廢良而立大叔曰國卿君之貳也民之主也不可苟請舍子明之類求亡妻者使復其所使游氏勿怨曰無昭惡也

二十四年秋公會晉侯宋公衛侯鄭伯曹伯莒子邾子滕

子薛伯杞伯小邾子于夷儀冬楚子蔡侯陳侯

許男伐鄭

二十五年夏公會晉侯宋公衛侯鄭伯曹伯莒子邾子滕

子薛伯杞伯小邾子于夷儀 六月壬子鄭公舍

之帥師入陳 冬鄭公孫夏帥師伐陳

二十六年夏公會晉人鄭良霄宋人曹人于澶淵 冬楚

子蔡侯陳侯伐鄭

左傳

鄭伯賞入陳之功三月甲寅朔享子展賜之先路三命之服先入邑賜子產次路再命之服先六邑子產辭邑 鄭伯歸自晉使子西如晉聘辭曰寡君來煩執事懼不免 如戾使夏謝不敏君子曰善事大國

二十七年夏叔孫豹會晉趙武楚屈建蔡公孫歸生衛石

惡陳孔奐鄭良霄許人曹人于宋

二十八年

蔡侯歸自晉入于鄭鄭伯享之不敬子產曰蔡侯其不免乎 蔡侯之如晉也鄭伯使游吉如楚及漢楚人還之子大叔歸復命告子展曰楚子將死矣不修其政德而貪昧於諸侯以逞其願欲久得乎 九月鄭游吉如晉告將朝于楚以從宋之盟子產相鄭伯以如楚舍不為壇

二十九年夏仲孫羯會晉荀盈齊高止宋華定衛世叔儀

鄭公孫段曹人莒人滕人薛人小邾人城杞

左傳

葬靈王鄭上卿有事子展使印段往伯有日弱不可子展日與其莫往弱不猶愈乎 鄭子展卒子皮即位於是鄭饑而未及麥民病子皮以子展之命餼國人粟戶一鍾是以得鄭國之民故罕氏常掌國政以為上卿宋司城子罕聞之日鄰於善民之望也宋亦饑請於平公出公粟以貸使大夫皆貸司城氏貸

而不書為大夫之無者貨宋無饑人叔向聞
 之曰鄭之罕宋之樂其後亡者也二者其皆
 得國乎民之歸也施而不德樂氏加焉其以
 宋降乎鄭伯有使公孫黑如楚辭曰楚鄭
 方惡而使余往是殺余也伯有曰世行也子
 皙曰可則往難則已何世之有伯有將強使
 之子皙怒將伐伯有氏禘大夫和之十二月巳
 巳鄭大夫盟於伯有氏禘大夫和之十二月巳
 幾何詩曰君子屢盟亂是用長今是盟也其與
 道也禍未歇也必三年而後能紓然明日政
 將焉往禘諶曰善之代不善天命也其焉辟
 子產舉不踰等則位班也擇善而舉則世隆
 也天有除之奪伯有魄子西即世將焉辟之
 天禍鄭久矣其必使子產息之乃猶可以戾
 不然將亡矣

三十一年秋鄭良霄出奔許自許入于鄭鄭人殺良霄

冬晉人齊人宋人衛人鄭人曹人莒人邾人滕人

薛人杞人小邾人會于澶淵宋災故

左傳

子產相鄭伯以如晉叔向問鄭國之政焉對
 曰吾得見與否在此歲也駟良方爭未知所
 成若有所成吾得見乃可知也叔向曰不既
 和矣乎對曰伯有侈而復子皙好在上莫
 能相下也雖其和也猶相積惡也惡至無日
 矣夏四月巳亥鄭伯及其大夫盟君子是
 以知鄭難之不巳也六月鄭子產如陳涖
 盟歸復命告大夫曰陳亡國也不可與也聚
 禾粟繕城郭恃此二者而不撫其民其君弱
 植公子侈太子卑大夫敖政多門以介於大
 國能無亡乎不過十年矣鄭子皮授子產
 政辭曰國小而偏族大寵多不可為也子皮
 曰虎帥以聽誰敢犯子子善相之國無小小
 能事大國乃寬子產為政有事伯石賂與之
 邑子太叔曰國皆其國也奚獨賂焉子產曰
 無欲實難皆得其欲以從其事而要其成非
 我有成其在人乎何愛於邑邑將焉往子大

叔曰若四國何子產曰非相違也而相從也
四國何尤焉鄭書有之曰安定國家必大焉
先姑先安大以待其所歸既伯石權而歸邑
卒與之伯有既死使太史命伯石為卿辭太
史退則請命焉復命之又辭如是三乃受策
入拜子產是以惡其為人也使次已位子產
使都鄙有章上下有服田有封洫廬井有伍
大人之忠儉者從而與之泰侈者因而斃之
豐卷將祭請田焉弗許曰唯君用鮮衆給而
已子張怒退而徵役子產奔晉子皮止之而
逐豐卷豐卷奔晉子產請其田里三年而復
之反其田里及其八焉從政一年與人誦之
曰取我衣冠而褚之取我田疇而伍之孰殺
子產吾其與之及三年又誦之曰我有子弟
子產誨之我有田疇子產
殖之子產而死誰其嗣之

二十左傳

公薨之月子產相鄭伯以如晉晉侯以我喪
故未之見也子產使盡壞其館之垣而納車
馬焉晉侯見鄭伯有加禮厚其宴好而歸之

乃築諸侯之館子產之從政也擇能而使
之馮簡子能斷大事子大叔美秀而文公孫
叔能知四國之為而辨于其大夫之族姓班
位貴賤能而善為辭令禪謀能謀于野
則獲謀于邑則否鄭國將有諸侯之事子產
適問四國之為于子羽且使多為辭令與禪
謀乘以適野使謀可否而告馮簡子使斷之
事成乃授子大叔使行之以應對賓客是以
鮮有敗事北宮文子所謂有禮也鄭人游
于鄉較以論執政然明謂子產曰毀鄉較何
如子產曰何為夫人朝夕退而游焉以議執
政之善否其所善者吾則行之其所惡者吾
則改之是吾師也若之何毀之子皮欲使尹
何為邑子產曰未知可否子皮曰愿吾愛之
不吾叛也使夫往而學焉夫亦愈知治矣子
產曰不可僑聞學而後入政未聞以政學者
也若果行此必有所害

昭元年 春叔孫豹會晉趙武楚公子圍齊國弱宋向戌

衛齊惡陳公子招蔡公孫歸生鄭罕虎許人曹人

于號

左傳

鄭徐吾犯之妹美公孫楚聘之矣公孫黑又使疆委禽焉犯懼告子產子產曰是國無政非子之患也唯所欲與犯請於二子請使女擇焉皆許之子皙盛飾入布幣而出子南戎服入左右射超乘而出女自房觀之曰子皙信美矣抑子南夫也夫夫婦婦所謂順也適子南氏子皙怒既而櫜甲以見子南欲殺之而取其妻子南知之執戈逐之及衝擊之以戈子皙傷而歸告大夫曰我好見之不知其有異志也故傷大夫皆謀之子產曰直鈞勿賤有罪罪在楚也五月庚辰鄭放游楚於吳鄭為游楚亂故六月丁巳鄭伯及其大夫盟于公孫段氏罕虎公孫僑公孫段印段游吉駟帶私盟于閨門之外實薰隧公孫黑強與於盟使大史書其名且曰七子子產弗討

晉侯有疾鄭伯使公子僑如晉聘且問疾

二年秋鄭殺其大夫公孫黑

左傳

鄭游吉如晉送少姜之葬夏四月鄭伯如晉公孫段相甚敬而卑禮無違者晉侯嘉焉授之以策秋七月鄭罕虎如晉賀夫人十月鄭伯如楚子產相楚子享之賦吉日既享子產乃具田備王以田江南之夢

四年夏楚子蔡侯陳侯鄭伯許男徐子滕子頓子胡子

沈子小邾子宋世子佐淮夷會于申

左傳

春王正月許男如楚楚子止之遂止鄭伯復田江南許男與焉使椒舉如晉求諸侯二君待之楚子問于子產曰晉其許我諸侯乎對曰許君王曰諸侯其來乎對曰必來鄭子產作丘賦國人謗之曰其父死于路已為薑

尾以令于國國將若之何子寬以告子產曰
何害苟利社稷死生以之且吾聞為善者不
改其度故能有濟也民不可逞度不可改詩
曰禮義不愆何恤於人言吾不遷矣渾罕曰
國氏其先亡乎君子作法於涼其敝猶貪作
法於貪敝將如之何姬在列者蔡及曹滕其
先亡乎偏而無禮鄭先衛亡偏而無法政
不率法而制於心民各有心何上之有

左傳

年五

晉韓宣子如楚送女叔向為介鄭子皮子大
叔勞諸索氏 鄭罕
虎如齊娶于子尾氏

左傳

年六

三月鄭人鑄刑書 六月丙戌鄭災 楚公
子棄疾如晉報韓子也過鄭鄭罕虎公孫僑
游吉從鄭伯以勞諸祖辭不敢見固請見之
見如見王以其乘馬八匹私面見子皮如上
卿以馬六匹見子產以馬四匹見子大叔以
馬二匹禁芻牧採樵不入田不樵樹不採蕪
不抽屋不强旬誓曰有犯命者君子廢小人

降舍不為暴主不恩賓往來如
是鄭三卿皆知其將為王也

左傳

年七

鄭子產聘于晉晉侯有疾韓宣子逆客私焉
曰寡君寢疾於今三月矣並走羣望有加而
無瘳今夢黃熊入于寢門其何厲鬼也對曰
以君之明子為大政其何厲之有昔堯殛鯀
于羽山其神化為黃熊以入于羽淵實為夏
郊三代祀之晉為盟主其或者未之祀也乎
韓子祀之郊晉侯有問賜子產莒之二方鼎
子產為豐施歸州田於韓宣子 鄭人相驚
以伯有曰伯有至矣則皆走不知所往鑄刑
書之歲二月或夢伯有介而行曰壬子余將
殺帶也明年壬寅余又將殺段也及壬子駟
帶卒國人益懼齊燕平之月壬寅公孫段卒
國人愈懼其明月子產立公孫洩及良止以
撫之乃止 子皮之族飲酒無度故馬師氏
與子皮氏有惡齊師還自燕之月罕朔殺罕
黈罕朔
奔晉

八年夏陳公子留出奔鄭

左傳

年十 春王正月有星出于婺女鄭裨竈言于子產曰七月戊子晉君將死

年十一 秋季孫意如會晉韓起齊國弱宋華亥衛北宮

佗鄭罕虎曹人杞人于厥慙

年十二 春三月壬申鄭伯嘉卒 夏五月葬鄭簡公

左傳

齊侯衛侯鄭伯如晉朝 晉侯享諸侯子產相鄭伯辭於享請免喪而後聽命晉人許之禮也

鄭成公方薨之月晉師來侵君子訊其伐喪然成公晚年堅於從楚晉數伐之死不改志無尤乎伯國之

討也鄭僖新立晉城虎牢鄭始事晉盟于鷄澤會於

戚聘魯救陳皆致信中國鄒之會鄭伯未見諸侯而

卒春秋惜之經書其地曰卒于鄆也傳則曰公子駢

使賊夜弑之以瘡疾赴于諸侯也或卒或弑其文未

定抑僖公好善而無年哀死而足錄甚于悼公矣簡

公生五年鄭人奉以為君公子發公孫輒侵蔡獲公

子爽子產憂其不寧也楚公子貞果率師來伐鄭又

棄晉而從楚矣鄭既從楚輒連兵伐宋晉悼公所以

有三駕之師也蕭魚一會鄭復改事晉楚怒而執其

行人良霄其後兵三至鄭而無功而晉楚弭兵之說

春秋左傳卷五
起盟宋以後終簡公之身不受兵者幾二十年卽申
之會楚爲盟長辱在晉國於鄭無損也說者曰虎牢
鄭地卽號之制邑巖險聞于天下猶虞之下陽趙之
上黨魏之安邑燕之渝關吳之西陵蜀之漢樂守國
者所必爭也晉城虎牢鄭僖公卽與盟鷄澤至卒于
鄆其盟不渝簡公初立聽命邢丘楚人伐之仗信不
固晉率諸侯戍虎牢而鄭服焉虎牢者鄭得之足以
挾楚而抗晉晉得之足以制鄭而拒楚始城之繼戍
之諸侯之兵常在其地鄭不戰而自屈蕭魚旣會其
誰敢貳晉悼公可謂善謀霸矣然簡公之初楚子囊

伐鄭子駟子國子耳欲從楚子孔子嶠子展欲待晉
伐宋之役子耳奉楚命以行是疲鄭以服楚者皆公
子駢之罪而公子發公孫輒其聽焉者也迨盜殺三
人而鄭之大夫爲晉梗者少矣公孫蠆善于伐秦其
卒也晉侯請于王賜以大路而鄭之大夫益勸于事
晉矣公子嘉爲政專子展子西率國人殺之立子產
爲卿而鄭之大夫相君以義者有人矣陳哀公爲楚
子伐鄭鄭亦伐之入其城以報井堙木刊之怨許靈
公如楚請伐鄭身卒于楚楚爲出師而鄭不畏也盟
宋而兵端遂息夫以蕞爾之鄭攝晉楚之間奔命不

給。一。旦。而。解。兵。寢。仇。且。以。伐。陳。之。功。耀。于。四。方。輔。弱。而。強。其。誰。之。力。當。鄭。國。者。實。子。產。也。子。產。相。鄭。一。年。國。人。欲。殺。之。伯。石。豐。卷。游。楚。公。孫。黑。之。徒。尤。耽。耽。焉。子。產。奔。晉。罕。虎。止。之。專。授。以。政。遂。至。作。丘。賦。鑄。刑。書。而。民。不。疑。殺。公。孫。黑。而。大。夫。不。怒。子。產。之。有。罕。虎。其。管。仲。之。有。鮑。叔。牙。乎。晉。悼。伯。而。鄭。賴。之。以。反。正。晉。楚。衰。而。鄭。因。之。以。休。息。君。為。賢。諸。侯。而。大。夫。為。顯。相。鄭。於。簡。公。之。世。蓋。一。治。也。

定公

各寧簡公之子昭十三年即位二十八年卒在位十六年諡法安民大慮曰定

昭十二年秋公會劉子晉侯齊侯宋公衛侯鄭伯曹伯莒

子邾子滕子薛伯杞伯小邾子于平丘八月甲戌同盟于平丘

左傳

子產歸未至聞子皮卒哭且曰吾已無為為善矣唯夫子知我

十五年夏蔡朝吳出奔鄭

十六左傳

三月晉韓起聘於鄭鄭伯享之子產戒曰苟有位於朝無有不共恪宣子有環其一在鄭商宣子謁諸鄭伯子產弗與夏四月鄭六卿餞宣子于郊宣子請皆賦以知鄭志鄭大旱使屠擊祝欸豎柎有事於桑山斬其木不雨子產曰有事於山藝山林也而斬其木其罪大矣奪之官邑

十七年冬有星孛于大辰

春秋左傳卷五
十八年夏五月壬午宋衛陳鄭災

左傳

七月鄭子產為火故大為社稷禳於四方振除火災禮也

十九年左傳

是歲也鄭駟偃卒鄭大水龍鬪于時門之外洧淵國人請為祭焉子產弗許

二十年左傳

子產卒仲尼聞之出涕曰古之遺愛也

二十四年左傳

鄭伯如晉子大叔相見范獻子獻子曰王室之不寧晉之耻也獻子懼而與宣子圖之乃徵會於諸侯期以明年

二十五年夏叔詣會晉趙鞅宋樂大心衛北宮喜鄭游吉曹人邾人滕人薛人小邾人于黃父

二十八年夏四月丙戌鄭伯寧卒六月葬鄭定公

獻公

名薑定公子昭二十九年即位定九年卒在位十三年諡法博聞多能曰獻

昭二十九年冬仲孫何忌會晉韓不信齊高張宋仲幾衛

世叔申鄭國參曹人莒人薛人杞人小邾人城成

周

定四年春三月公會劉子晉侯宋公蔡侯衛侯陳子鄭

伯許男曹伯莒子邾子頓子胡子滕子薛伯杞伯

小邾子齊國夏于召陵侵楚 秋楚囊瓦出奔鄭

六年春王正月癸亥鄭游速帥師滅許以許男斯歸

二月公侵鄭

春秋齊侯鄭伯盟于鹹

年八秋晉士鞅帥師侵鄭遂侵衛 冬衛侯鄭伯盟于

曲濮

左傳

鄭駟歛嗣子大叔為政

年九夏四月戊申鄭伯薑卒 夏六月葬鄭獻公

左傳

鄭駟歛殺鄧析而用其竹刑君子謂子然于是不

忠

聲公

名勝獻公子定十年即位 在位三十七年卒諡法 生其國曰聲

年十冬齊侯衛侯鄭游速會于安甫

年十一冬及鄭平叔還如鄭泄盟

年十四秋衛公子孟彊出奔鄭

年十五夏鄭罕達帥師伐宋

年哀二秋八月甲戌晉趙鞅帥師及鄭罕達帥師戰于

鐵鄭師敗績

左傳

鄭駟秦富而侈嬖大夫也而常陳卿之車服于其庭鄭人惡而殺之

年七春宋景皇瑗帥師侵鄭 秋宋人圍曹冬鄭駟弘

帥師救曹

年九春宋皇瑗帥師取鄭師于雍丘 秋宋公伐鄭

年十夏宋人伐鄭

春秋左傳卷五
三十一 夏陳轅頗出奔鄭

三十二 秋宋向巢帥師伐鄭

三十三 春鄭罕達帥師取宋師于岳

左傳

十五年春鄭伯伐宋冬晉侯伐鄭

二十年春齊人來徵會夏會于廩丘為鄭故

謀伐晉鄭人辭諸侯秋還師

二十七年夏晉荀瑶帥師伐鄭次于桐丘鄭

鄭定公之會黃父獻公之城成周二者皆為王役也

定公在位十六年惟盟平丘會黃父克奉晉令見書

於經其他不聞有諸侯之師兵革之事蓋相定公者

前有國僑後有游吉務輯柔人民安定國家得以內

外無患至敬王出居狄泉尹氏擅立子朝王室不寧

諸侯蒙耻鄭伯如晉游吉以義感范獻子始徵會明

年是黃父之會主之者晉而勸成者鄭也既而王入

成周子朝奔楚卒賴晉力吉殆以片言而定周難矣

定公卒獻公立晉適有王命請城成周鄭使國參從

焉魯哀之四年晉會諸侯于召陵以侵楚則獻公親

行春秋之義大於尊周而攘楚獻公若能終行之

先公桓武之志猶未泯也然而遊速滅許不繇晉命

則鄭叛霸矣魯公侵鄭以黨子朝之徒故則鄭叛王

春秋及國言卷五
矣。叛。霸。與。王。鄭。將。不。立。乃。與。齊。合。而。特。相。盟。焉。齊。僖。鄭。莊。盟。于。石。門。諸。侯。之。合。也。齊。景。鄭。獻。盟。于。鹹。諸。侯。之。判。也。不。當。合。而。合。天。下。始。有。霸。不。當。判。而。判。天。下。且。無。霸。矣。逾。年。晉。士。鞅。侵。鄭。衛。二。國。之。君。又。特。盟。于。曲。濮。鄭。叛。晉。益。堅。沒。而。不。改。也。聲。公。立。使。游。速。會。齊。侯。衛。侯。于。安。甫。以。衛。有。晉。難。也。明。年。魯。及。鄭。平。叔。還。涖。盟。魯。亦。叛。晉。而。即。鄭。也。逮。伐。宋。戰。晉。鄭。遂。黷。兵。春。秋。惡。焉。宋。公。子。地。奔。鄭。鄭。主。之。非。矣。罕。達。胡。爲。乎。帥。師。而。伐。宋。也。兵。端。一。構。累。歲。不。息。自。是。經。書。宋。報。鄭。者。五。皇。瑗。之。侵。一。也。雍。丘。之。取。二。也。宋。公。之。伐。三。也。

宋人之伐四也。向巢之伐五也。鄭報宋者二。駟弘救曹一也。罕達取宋師于岳二也。宋屢侵鄭期盡殺平元之族而後已。自戕本枝於鄭何害。鄭報宋而逐向。睢六邑爲虛。宋憊乃甚矣。鐵之戰罕達與晉趙鞅遇。而師敗。鄭之不度德不量力也。然春秋自齊秦楚而外。無敢與晉戰者。鄭小國素屬于晉。起而與戰。是無晉也。向也。鄭從楚則伐宋。今也。鄭叛晉則伐宋。向也。晉楚爭則鄭與宋欲弭兵。今也。晉楚不爭則鄭與宋又欲構兵。兩國交鬪。何時已乎。戰于東門而春秋始戰于岳。而春秋終罕達之師。即鄭莊之取三師也。皇。

春秋列國論卷之五
然。瑗之師即米殤之十一戰也。要論其世則皆無霸使。

春秋列國論卷之五 終

春秋四傳列國論卷之六目錄

衛康叔封之後武王之弟封于衛至桓公十三年始入春秋自康叔至桓十三世

桓公

宣公 論一則

惠公 論一則

懿公

文公 論一則

成公 論一則

穆公

宣公

獻公

殤公 論一則

襄公

靈公

出公

莊公 論一則

右論六則

春秋四傳列國論卷之六目錄

春秋列國論卷六

明婁東張溥西銘父著

衛

姬姓侯爵出自武王同母少弟封為成王大司寇
食菜於康謂之康叔成王誅武庚中分其地以其
半作康誥封為衛伯居河淇之間故商墟汲郡朝
歌縣是也康叔卒子康伯代立康伯卒子考伯立
考伯卒子嗣伯立嗣伯卒子康伯立康伯卒子靖
伯立靖伯卒子貞伯立貞伯卒子頃侯立頃侯厚
賂周夷王進為侯立二年卒子釐侯立四十二年

春秋列國論卷六衛

卒大子共伯餘立為弟武公和弒武公佐周平戎
有功平王進為公立五十五年卒子莊公揚立二
十三年卒子桓公完立桓公十三年入春秋本都
河北至文公東徙渡河城楚丘山陽郡城武縣是
也子成公遷帝丘東郡濮陽是也後出公十二年
獲麟後十一世聲公之子成侯速復降爵為侯速
孫嗣君更貶號曰君而止有濮陽之地後六世為

秦二世廢

季本曰衛都河北朝歌之東淇水之北百泉之
南至成王誅武庚而朝歌故墟併入於衛其後
不知何時盡有三監之地耳史記世家乃謂成
王伐殷以武庚餘民封康叔居故商墟則不知

康叔之封衛已在武王時朱子嘗有辨矣然則
衛之始封未嘗即得朝歌地也金履祥氏曰紂
都朝歌在衛州衛縣之西二十二里衛縣即今
河南衛輝府淇縣當為衛始封朝歌之東矣啖
趙纂例及鄭漁仲通志皆本史記為說不亦誤
乎

桓公

名完莊公子母戴嬀十三年入春秋在位
十六年為州吁弒謚法辟土服遠曰桓

隱元左傳

冬改葬惠公衛侯來會葬不見公亦不書
鄭共叔之亂公孫滑出奔衛衛人為之伐鄭
取廩延鄭人以王師號師伐衛南鄙

二年冬鄭人伐衛

左傳

衛莊公娶於齊東宮得臣之妹曰莊姜美而
無子又娶於陳曰厲嬀生孝伯早死其娣戴
嬀生桓公莊姜以為已子公子州吁嬖人之
子也有寵而好兵公弗禁石碏諫弗聽其子
厚與州吁游禁之不可桓公立乃老

四年春王二月戊申衛州吁弑其君完 夏宋公陳侯

蔡人衛人伐鄭 秋翬帥師會宋公陳侯蔡人衛

人伐鄭 九月衛人殺州吁于濮 冬十有二月

衛人立晉

宣公

名晉莊公子桓公弟隱五年即位桓十二年卒在位十九年謚法施而不成曰宣

隱五年夏四月葬衛桓公 秋衛師入郕

左傳

鄭人侵衛牧以報東門之役衛人以燕師伐

鄭鄭敗燕師

八年春宋公衛侯遇于垂 秋七月庚午宋公齊侯衛

侯盟于瓦屋

十年秋齊人鄭人入郕宋人蔡人衛人伐戴鄭伯伐取

之

桓三年夏齊侯衛侯胥命于蒲 秋蔡人衛人陳人從

王伐鄭

十年秋公會衛侯于桃丘弗遇 冬十有二月丙午齊

侯衛侯鄭伯來戰于郎

十一年春正月齊人衛人鄭人盟于惡曹 秋鄭伯忽

出奔衛

十二年冬十有一月丙戌衛侯晉卒

衛風考繫刺莊公也碩人閔莊姜也邶風綠衣衛莊

姜傷已也。衛桓公在位十三年而入春秋于隱公四年。弑于州吁。桓公者莊公子戴嬀所生而母莊姜者也。州吁莊公嬀人之子。桓公弟也。莊公外退賢者內惑嬖妾。綠衣賦于上而夫人憂碩人。賦于下而國人怨桓公。雖立命不長矣。公子州吁弑君。春秋書曰衛州吁弑其君完。其年則兩書伐鄭擊鼓之詩。所以作也。魯隱元年鄭共叔之亂。公孫滑奔衛。衛人爲之伐鄭。取廩。延明年鄭伐衛以報之。兩憾方新。宋殤急欲用以制鄭。吁厚託焉。詩曰從孫子仲。平陳與宋不我以歸。憂心有忡。怨州吁也。傳云州吁與宋陳伐鄭圍

其東門五日而還。出師非久。衛人怨之如此。其深者身犯大逆。衆莫爲使也。衛桓公母戴嬀。陳女也。桓公被弑。陳當討賊。反與州吁合兵圍鄭。豈吁之爲賊。陳桓公尚未之知乎。衛有老成人。惟石碏。知陳可用也。告之以賊。臨之以義。陳桓許焉。然後諷吁與石厚朝陳。使請王覲。卽陳圖之。賊乃立得謀。發自碏。義歸國人。則書衆討而已矣。吁二月弑君。九月卽誅儼然爲君者。殆有八月八月之間。賊徒爲政。國家不寧。爲莊姜者朝夕靡託。送戴嬀大歸。而賦燕燕。傷已不見。答于先君。以至困窮而賦日月。遭州吁悔慢而賦終風。

曷喪之望以日爲歲一旦亂賊就戮早定國君社稷之福也又踰三月始立晉何居晉莊公子桓公弟以次當立而書法同于尹氏之立王子朝春秋所以處晉者必有道矣歷觀邾鄆衛三風衛宣公晉淫人也桓之弟則當立衛之淫人則不當立莊姜不能斷國人莫與主也又三月衛人群立晉衛人以義奉宣公乎宣公以私結國人乎俱不可知衛人無君而立君書立可也衛人久無君不得已而立晉書立晉可也宣公初立用師入邾春秋貶之惡其乘亂得立不重居喪息民而好興戎入人國也垂之遇惟宋此常遇

也瓦屋之盟又有齊此參盟也宋與衛黨齊與鄭黨宋衛欲連齊以絕鄭遇而圖盟瓦屋之後伐戴伐鄭衛惟力是視其讐鄭猶桓公州吁也然瓦屋旣盟齊鄭反入邾鄭伯取三國之師齊侯衛侯反胥命于蒲甚至魯衛素睦桃丘之會弗遇鄭衛素讎來戰于郎盟于惡曹則同數年以來讎其所厚厚其所讎何衛宣無恒若此君子曰此齊僖鄭莊之狡謀衛爲之役而不知也齊厚于鄭知宋衛怨鄭欲爲請平宋衛從之先與齊盟參盟旣定齊有命衛不敢違也入邾以示威胥命于蒲以示信七年以前伐鄭者衛七年以

後與鄭盟者亦衛七年以前親魯者衛七年以後與魯戰者亦衛齊悅鄭則使衛恩之怒魯則使衛讐之觀瓦屋之盟即知有惡曹之盟觀桃丘之不遇即知有戰郎之師衛為絕鄭而盟齊齊反致衛以睦鄭鄭坐得一衛衛坐失一魯齊則合衛離魯始終與鄭為一押闔無端衛宣公久在其術中矣或謂春秋善胥命詩非屢盟蒲之役齊衛實善何以召譏蓋相命而信諭謹言而退古之道也君子屢盟亂是用長俗之薄也春秋惡盟而重命取其近于忠信而已矣天下有盟而善者有胥命而不善者又存乎其國其人之

事不可一例求也

惠公

名朔宣公子桓十三年即位在位四年奔齊後八年復入共三十一年卒謚法柔質曰惠

桓十年春二月公會紀侯鄭伯已巳及齊侯宋公衛侯

燕人戰齊師宋師衛侯燕師敗績 三月葬衛宣

公

十四年冬十有二月宋人以齊人蔡人衛人陳人伐鄭

十五年冬十有一月公會宋公衛侯陳侯于袤伐鄭

十六年春正月公會宋公蔡侯衛侯于曹 夏四月公

會宋公衛侯陳侯蔡侯伐鄭 冬十有一月衛侯

朔出奔齊

十七年 秋及宋人衛人伐邾

莊三年 春王正月溺會齊師伐衛

五年 冬公會齊人宋人陳人蔡人代衛

六年 春王正月王人子突救衛 夏六月衛侯朔入于

衛 秋公至自伐衛 冬齊人來歸衛俘

十四年 冬單伯會齊侯宋公衛侯鄭伯于鄆

十五年 春齊侯宋公陳侯衛侯鄭伯會于鄆

十六年 夏宋人齊人衛人伐鄭 冬十有二月會齊侯

宋公陳侯衛侯鄭伯許男滑伯滕子同盟于幽

二十五年 夏五月癸丑衛侯朔卒

衛惠公朔壽之母弟宣姜出也公子黔牟急子母弟

夷姜出也衛宣公烝於夷姜國人為賦匏有苦葉宣

姜者急子妻而宣公奪之國人為賦新臺宣公寵宣

姜使盜殺急子壽與之同死國人為賦二子乘舟宣

公之為鳥獸詩所醜春秋所諱也宣公薨黔牟與朔

皆可立而朔得立者夷姜先縊宣姜擅政也朔立四

年左公子洩右公子職作亂朔出奔齊公羊傳曰衛

侯朔何以名得罪於天子也朔母淫亂其立非正職

洩能守義不阿曷不於父亡之日廢朔而立黔牟今

臣朔者四年而忽逐之爲謀晚矣名且不令竊以當日之勢揆之或者戚施雖隕晨牝方鳴黨朔者衆二公子圖之尚未有間乘其開釁周室卽斥爲天子罪人拒之境外衛人其無辭乎齊謀納朔魯亦同之春秋兩致罪焉齊襄抗王命魯莊忘父讎也齊師魯溺伐衛不克又合宋陳蔡伐之期必納朔天王在上寧忍坐視於是王人子突廼出救衛縱未能考鐘伐鼓震驚五國但得捍朔無入歸報天子王命不辱矣孰意朔竟闖然也春秋書救二十三始于王之救衛終于吳之救陳凡救未有不善者然無功而書則比比

也諸侯救諸侯而無功憂在一國王人救諸侯而無功憂在天下經書王人子突救衛衛侯朔入於衛旣善王之能救又傷救之不行卽朔罪薄於射王突耻小於中肩周之不競則日甚矣衛朔入國齊人歸魯衛俘俘者寶也魯齊陳鄭之立華督也以郕大鼎故魯齊宋陳蔡之納衛侯朔也以寶故晉平公以十一國會夷儀而與崔杼成也以宗器樂器故諸侯之獎亂未有不爭賂者也朔以賂入又何貴焉朔之未奔也四年之間三伐鄭其從宋伐鄭與突戰也會于袤會于曹而伐鄭又以突奔忽入而謀納突也出而用

兵四方目之曰此衛侯也。奔而既入也。齊桓初霸兩會于鄆，同盟于幽朔，皆與焉。出而盟會四方，又目之曰此衛侯也。然芄蘭之詩，獨不聞乎？惠公初立，驕而無禮，大夫刺之曰：芄蘭之支童子，佩觿芄蘭之葉童子，佩鞞。今放黔牟，甯跖殺二公子者，非即此佩觿佩鞞之童子哉？國雖幸復童心如故，衛人猶私病之曰：吾公固宣公所奪急子齊姜之第二子也。

懿公

名赤，惠公子。莊二十五年即位。閔二年為狄滅，在位九年。諡法溫柔賢善曰懿。

莊二十八年

春王三月甲寅，齊人伐衛，衛人及齊人戰，衛

人敗績。

閔二年冬十有二月，狄入衛。

文公

名燬，急子。第二人曰黔牟，曰昭伯，昭伯生戴公。文公懿公死，戴公立，遂卒。文公繼立。僖元年即位，在位二十五年卒。諡法慈惠愛民曰文。

僖元年左傳

衛文公大布之衣，大帛之冠。務材訓通商，惠工敬勸，學授方任。能元年革車三十乘，季年乃三百乘。

三年春王正月，城楚丘。

四年春王正月，公會齊侯、宋公、陳侯、衛侯、鄭伯、許男、曹

伯，侵蔡。蔡潰，遂伐楚。冬十有二月，公孫茲帥師

會齊人、宋人、衛人、鄭人、許人、曹人，侵陳。

五年夏，公及齊侯、宋公、陳侯、衛侯、鄭伯、許男、曹伯會王

世子于首丘

六年夏公會齊侯宋公陳侯衛侯曹伯伐鄭圍新城

八年春王正月公會王人齊侯宋公衛侯許男曹伯陳

世子欵盟于洮鄭伯乞盟

九年夏公會宰周公齊侯宋子衛侯鄭伯許男曹伯于

葵丘

十年春狄滅溫溫子奔衛

十三年春狄侵衛 夏公會齊侯宋公陳侯衛侯鄭伯

許男曹伯于鹹

十五年春三月公會齊侯宋公陳侯衛侯鄭伯許男曹

伯盟于牡丘

十六年冬十有二月公會齊侯宋公陳侯衛侯鄭伯許

男邢侯曹伯于淮

十八年春王正月宋公曹伯衛人邾人伐齊 冬邢人

狄人伐衛

十九年秋衛人伐邢

二十年春狄侵衛

二十二年夏宋公衛侯許男滕子伐鄭

二十五年春王正月丙午衛侯燬滅邢 夏四月癸酉衛

侯燬卒 秋葬衛文公

魯閔公二年冬經書狄入衛春秋志戎狄之暴入國之易未有甚於此者傳云懿公好鶴國人怒不肯戰敗於滎澤狄遂滅衛夫撫后虐讎民雖無常以一鶴之故而忍亡其君非情也考之國風衛自州吁弑逆宣公淫烝内外交亂政散民流牆有茨鶉之奔奔諸詩孔子存而不刪著衛滅之本也惠公出奔復入借力齊楚魯桓再盟幽惠公不至齊方憾之及乎懿公竟與齊戰衛固霸王之所棄也霸王棄之狄人人之衛必速亡載馳之詩宣姜女許穆公夫人作也懿公為狄所滅國人分散露於漕邑許穆夫人閔衛之亡

傷許之小力不能救乃賦是詩曰我行其野芄芄其麥控於大邦誰因誰極當日大邦孰有如齊且邢滅於狄齊合三國之師次於聶北以救之遷於夷儀而城之而獨不念衛詩所謂無因極也衛文公立經營復國齊桓賢之然後為城楚丘自是會於首止盟於洮會於葵丘會於鹹盟于牡丘會於淮與夫伐楚侵陳伐鄭救徐莫不有衛向之與齊戰者一變而惟齊是從文之能君也其興勃焉定之方中文公之富也蠃螈止奔而民化相鼠刺無禮而群臣正干旄好善而賢者告以道文公之教也詩美文公不一而足衛

春秋左傳卷之六
風之篇又終之以木瓜而美齊桓若曰不有齊桓公
何以有我文公衛人之思厚報齊也何日忘之乃魯
僖十八年衛忽同宋曹邾伐齊時桓公薨無虧立宋
襄帥諸侯以爲是役也然五公子爭立四國以伐齊
爲義四國之師至齊狄又以救齊爲義狄旣狡矣邢
又佐之連歲搆兵衛遂滅邢君子始大惡之於是斥
文公者曰衛侯燬無道之君也伐齊喪滅同姓仁義
道絕狄之可也然秉心塞淵國人咏之布衣帛冠魯
史記之文公誠賢未可一眚沒也狄滅邢衛齊桓存
之衛之讎狄也非邢也衛從宋伐齊邢附狄伐衛衛

畏狄也久忿狄也深菴圃之役文公以其國讓其父
子兄弟及朝衆曰苟能治之燬請從焉衆不可而後
師於訾婁彼怵惕震悚惟恐旦夕爲懿公之續盡銳
制狄滅此朝食夫豈不善力不遑逞而以邢爲誅首
計之謬也邢與衛親則兄弟勢則輔車國雖小存之
可以捍狄可以藩衛衛不勝一日之忿耀而滅之是
自去其蔽而適爲狄人所快也又使二禮陽爲之臣
掖殺國子愈盜殺也無幾耳是故滅邢春秋所惡也
不能敗狄而先滅邢尤春秋所惡也齊桓公之城楚
丘也地不繫於衛事不繫於齊衆心成城吾無功焉

衛文公能存此心則可以恕邢矣邢者齊存之衛滅之天下不獨罪衛滅邢且罪衛背齊文公則何辭焉

成公名鄭文公子僖二十六年即位宣九年卒在位三十五年諡法安民立政曰成

僖二十五年冬十有二月癸亥公會衛子莒慶盟于洮

二十六年春王正月己未公會莒子衛甯速盟于向 夏

衛人伐齊

二十八年春晉侯伐衛 公子買戍衛不卒戍刺之 楚

人救衛 夏衛侯出奔楚 五月癸丑公會晉侯

齊侯宋公蔡侯鄭伯衛子莒子盟于踐土 六月

衛侯鄭自楚復歸于衛衛元咺出奔晉 冬晉人

執衛侯歸之于京師衛元咺自晉復歸于衛

三十三年秋衛殺其大夫元咺及公子瑕衛侯鄭歸于衛

三十一年冬狄圍衛十有二月衛遷于帝丘

三十三年夏衛人侵狄 秋衛人及狄盟

文元二年夏晉侯伐衛 衛人伐晉

二年夏六月公孫敖會宋公陳侯鄭伯晉士穀盟于垂

隴

三年春王正月叔孫得臣會晉人宋人陳人衛人鄭人

伐沈沈潰

左傳 衛侯如陳拜晉成也

春秋左傳卷之六
四年秋衛侯使甯俞來聘

左傳

春晉人歸孔達于衛以為衛之良也故免之

夏衛侯如晉拜

八年左傳

晉郤缺言於趙宣子曰日衛不睦故取其地

今已睦矣可以歸之宣子說之八年春晉侯

使解楊歸匡戚之田于衛且復致公壻池之

封自申至于虎牢之竟

九年春楚人伐鄭公子遂會晉人宋人衛人許人救鄭

十三年冬衛侯會公于沓 狄侵衛

十四年夏六月公會宋公陳侯衛侯鄭伯許男曹伯晉

趙盾癸酉同盟于新城

十五年冬十有一月諸侯盟于扈

十七年春晉人衛人陳人鄭人伐宋

宣元年夏晉放其大夫胥甲父于衛 秋宋公陳侯衛

侯曹伯會晉師于棊林伐鄭

二年夏晉人宋人衛人陳人侵鄭

六年春晉趙盾衛孫免侵陳

七年春衛侯使孫良夫來盟 冬公會晉侯宋公衛侯

鄭伯曹伯于黑壤

九年秋九月晉侯宋公衛侯鄭伯曹伯會于扈 冬十

月癸酉衛侯鄭卒

春秋左傳卷六
衛文公薨成公在喪急合魯莒之盟修先志也齊伐魯鄙衛人報之魯衛克好真兄弟之國哉晉文圖霸侵曹伐衛以楚方得曹而新昏於衛也楚師在宋晉師在衛楚必解宋圍而救衛是故晉之伐衛致楚之術也楚敗城濮衛成奔楚弟叔武攝位從盟踐土衛既服晉晉卽釋之晉之所惡在楚不在衛也成公歸國叔武出迎殺於前驅元咺奔訴晉乃執公歸於京師讀左氏者曰衛殺叔武公子歃犬之罪非公志也讀公羊氏者曰衛侯怒叔武之篡元咺爭之終殺叔武咺走而出叔武之死誤乎故乎儒者莫能定也然

衛侯在外則殺元咺之子反國則已盟於宛濮而先期以入中心實忌叔武歃犬之徒探而成之不可謂公志不在殺也春秋諸侯爭國滅親門內日戰鄭莊克段齊桓殺糾屢書于經人倫至痛晉文公怒衛成殺弟拘而問罪未嘗非義然以兄殺弟則不友以臣訟君則不順周天王曰君臣無獄君臣皆獄父子將獄斯言也足以聽矣晉反衛成成先殺元咺公子瑕而後入恨深忿重謀定乃逞晉不復問君子傷衛之禍惡晉之譎曰文公一舉而使衛之兄弟不保上下相賊衛之亂皆晉爲之也狄人滅衛齊桓存之城楚

春秋列國論
丘而衛乃安此楚丘者非詩所謂望楚與堂景山與
京卜云其吉終然允臧者哉曾幾何時狄圍衛遷於
帝丘以避之衰微不守先君與有辱焉然帝丘濮陽
城東北故衛地也衛向都朝歌狄衝其左懿公之滅
東徙渡河野處漕邑由河北而趨河南楚丘與漕近
齊權城之文公雖作宮室其地未必足爲子孫嘗也
帝丘顓頊之虛東南之境去狄差遠成公擇而居之
後與狄盟十餘年不受其患惟魯文十二年出會於
沓乘間來侵亦未得志意者利用遷國成公與甯俞
謀之審矣帝丘之役或有合於盤庚遷亳太王遷岐

乎晉文之世衛困而後服襄公新立衛有異志晉伐
衛衛亦伐晉終春秋書與國伐霸者三一見於衛成
二見於齊莊景伉之至也垂隴之盟衛與晉成其後
諸侯之事無役不從伐沈而沈潰晉襄命也同盟新
城兩會於扈救鄭而復伐鄭伐宋而復平宋晉靈命
也會於黑壤以平鄭會於扈以伐陳晉成命也至於
魯文則使甯俞聘之魯宣則使孫良夫盟之務尋舊
好不以僖公之刺公子買怨而缺禮息爭修睦和寧
國家衛之成公卽鄭之簡公也衛之甯俞卽鄭之子
產也說者謂公一身有道無道爲時不同抑考其世

惟晉文之伐元咺之訟紛紛者三年耳其三十餘年則皆稱治無道之日短有道之日長豈非叔季一令諸侯哉

穆公

名遨成公子宣十年即位成二年卒在位十一年謚法布德執義曰穆

僖十年夏齊崔氏出奔衛 晉人宋人衛人曹人伐鄭

十二年冬晉人宋人衛人曹人同盟于清丘 宋師伐

陳衛人救陳

十四年春衛殺其大夫孔達

十七年己未公會晉侯衛侯曹伯邾子同盟于斷道

十八年春晉侯衛世子臧伐齊

成二年夏四月丙戌衛孫良夫帥師及齊師戰于新築

衛師敗績 六月癸酉季孫行父臧孫許叔孫僑

如公孫嬰齊帥師會晉郤克衛孫良夫曹公子首

及齊侯戰于鞍齊師敗績 秋八月庚寅衛侯速

卒

定公

名臧穆公子成二年即位十四年卒在位十二年謚法安民大慮曰定

成二年冬楚師鄭師侵衛 十一月丙申公及楚人秦

人宋人陳人衛人鄭人齊人曹人邾人薛人鄆人

盟于蜀

三年春王正月公會晉侯宋公衛侯曹伯伐鄭 辛亥

葬衛穆公 秋晉郤克衛孫良夫伐齊咎如 冬

十有一月晉侯使荀庚來聘衛侯使孫良夫來聘

丙午及荀庚盟丁未及孫良夫盟

年五 十有二月巳丑公會晉侯齊侯宋公衛侯鄭伯曹

伯邾子杞伯同盟于蟲牢

年六 春衛孫良夫帥帥侵宋

年七 秋公會晉侯齊侯宋公衛侯曹伯莒子邾子杞伯

救鄭八月戊辰同盟于馬陵 冬衛孫林夫出奔

晉

年八 冬衛人來媵

年九 春公會晉侯齊侯宋公衛侯鄭伯曹伯莒子杞伯

同盟于蒲

年十 春衛侯之弟黑背帥師侵鄭 夏五月公會晉侯

齊侯宋公衛侯曹伯伐鄭

年十二 夏公會晉侯衛侯于瑣澤

年十三 夏五月公自京師遂會晉侯齊侯宋公衛侯鄭

伯曹伯邾人滕人伐秦

年十四 夏衛孫林父自晉歸于衛 冬十月庚寅衛侯

臧卒

年十五 春王二月葬衛定公

獻公

名衎定公妾敬嬀子成十五年即位襄十四年奔齊衛立殤公襄二十六年復歸衛

殤公

名剽公子黑背之子穆公孫襄十五年即位二十六年弒在位十二年諡法短世不

成十五年

春癸丑公會晉侯衛侯鄭伯曹伯宋世子成齊

國佐邾人同盟于戚 冬十有一月叔孫僑如會

晉士燮齊高無咎宋華元衛孫林父鄭公子鮑邾

人會吳于鍾離

十六年

秋公會晉侯齊侯衛侯宋華元邾人于沙隨不

見公

左傳

衛侯伐鄭至于鳴鴈為晉故也

十七年

春衛北宮括帥師侵鄭 夏公會尹子單子晉

侯齊侯宋公衛侯曹伯邾人伐鄭 冬公會單子

晉侯宋公衛侯曹伯齊人邾人伐鄭

十八年

冬十有二月仲孫蔑會晉侯宋公衛侯邾子齊

崔杼同盟于虛朶

襄元年

春仲孫蔑會晉欒黶宋華元衛甯殖曹人莒人

邾人滕人薛人圍宋彭城 冬衛侯使公孫剽來

聘

二十二年

夏晉師宋師衛甯殖侵鄭 秋七月仲孫蔑會晉

荀營宋華元衛孫林父曹人邾人于戚 冬仲孫
蔑會晉荀營齊崔杼宋華元衛孫林父曹人邾人
滕人薛人小邾人于戚遂城虎牢

年三夏六月公會單子晉侯宋公衛侯鄭伯莒子邾子
齊世子光已未同盟于雞澤

年五夏仲孫蔑衛孫林父會吳于善道 秋公會晉侯

宋公陳侯衛侯鄭伯曹伯莒子邾子滕子薛伯齊
世子光吳人鄆人于戚 冬公會晉侯宋公衛侯
鄭伯曹伯齊世子光救陳

年七秋季孫宿如衛 冬十月衛侯使孫林父來聘壬

戌及孫林父盟 十有二月公會晉侯宋公陳侯
衛侯曹伯莒子邾子于鄆

年八夏季孫宿會晉侯鄭伯齊人宋人衛人邾人于邢
丘

年九冬公會晉侯宋公衛侯曹伯莒子邾子薛伯杞伯
小邾子齊世子光伐鄭 十有二月己亥同盟于
戲

年十春公會晉侯宋公衛侯曹伯莒子邾子滕子薛伯
杞伯小邾子齊世子光會吳于柤 秋公會晉侯
宋公衛侯曹伯莒子邾子齊世子光滕子薛伯杞

伯小邾子伐鄭

左傳

衛侯救宋師于襄牛鄭子展曰必伐衛不然是不與楚也得罪于晉又得罪於楚國將若之何子駟曰國病矣子展曰得罪於二大國必亡病不猶愈於亡乎諸大夫皆以為然故鄭皇耳帥師侵衛楚令也孫文子卜追之獻兆於定姜姜氏問繇曰兆如山陵有夫出征而喪其雄姜氏曰征者喪雄禦寇之利也大夫圖之衛人追之孫蒯獲鄭皇耳于犬丘

年十一 夏公會晉侯宋公衛侯曹伯齊世子光莒子邾

子滕子薛伯杞伯小邾子伐鄭 秋公會晉侯宋

公衛侯曹伯齊世子光莒子邾子滕子薛伯杞伯

小邾子伐鄭會于蕭魚

年十四 春王正月季孫宿叔老會晉士匄齊人宋人衛

人鄭公孫蠆曹人莒人邾人滕人薛人杞人邾人

會吳于向 夏四月叔孫豹會晉荀偃齊人宋人

衛北宮括鄭公孫蠆曹人莒人邾人滕人薛人杞

人小邾人伐秦 巳未衛侯出奔齊 冬季孫宿

會晉士匄宋華閱衛孫林父鄭伯孫蠆莒人邾人

于戚

左傳

師曠侍于晉侯晉侯曰衛人出其君不亦甚乎對曰或者其君實甚

年十六 春三月公會晉侯宋公衛侯鄭伯曹伯莒子邾

子薛伯杞伯小邾子于溴梁戊寅大夫盟 夏叔老會鄭伯晉荀偃衛甯殖宋人伐許

十七年 夏衛石買帥師伐曹

十八年 夏晉人執衛行人石買 冬十月公會晉侯宋

公衛侯鄭伯曹伯莒子邾子滕子薛伯杞伯小邾

子同圍齊

十九年 夏衛孫林父帥師伐齊

二十年 夏六月庚申公會晉侯齊侯宋公衛侯鄭伯曹

伯莒子邾子滕子薛伯杞伯小邾子盟于澶淵

二十一年 冬公會晉侯齊侯宋公衛侯鄭伯曹伯莒子邾

子于商任

二十二年 冬公會晉侯齊侯宋公衛侯鄭伯曹伯莒子邾

子薛伯杞伯小邾子于沙隨

二十四年 秋公會晉侯宋公衛侯鄭伯曹伯莒子邾子滕

子薛伯杞伯小邾子于夷儀

二十五年 夏公會晉侯宋公衛侯鄭伯曹伯莒子邾子滕

子薛伯杞伯小邾子于夷儀 秋八月己巳諸侯

同盟于重丘 衛侯入于夷儀

二十六年 春王二月辛卯衛甯喜弒其君剽 衛孫林父

入于戚以叛 甲午衛侯衎復歸于衛 秋晉人

執衛甯喜

左傳

衛人侵戚東鄙孫氏愬於晉晉成茅氏殖綽伐茅氏殺晉成三百人孫蒯追之弗敢擊文子曰厲之不如遂從衛師敗之圍雍鉏獲殖綽復愬于晉

二十七年夏叔孫豹會晉趙武楚屈建蔡公孫歸生衛石

惡陳孔奐鄭良霄許人曹人于宋 衛殺其大夫

甯喜 衛侯之弟鱣出奔晉

二十八年夏衛石惡出奔晉

二十九年夏庚午衛侯衎卒 秋九月葬衛獻公

衛書大夫帥師始于孫良夫之戰齊繇是書戰鞍書

盟蜀書聘魯書及盟書伐廡咎如書侵宋悉良夫為政其子林父繼之定公惡其專也廼出奔晉七年復

歸定公卒獻公衎立君衛者十八年林父逐之奔齊

而立殤公剽凡十二年殤弑獻入林父入于戚以叛

孫氏出于衛武公至林父八世矣執國政久廢立自

為國人莫敢正也然甯氏世卿殖為俞孫稱賢大夫

後獻公之世甯殖一書圍宋一書侵鄭專國威福比

于林父及其子喜殺殤迎獻不免誅滅且獻公之奔

兵繇林父殺子嶠子伯子皮子行又追公阿澤公幾

及難雖諸侯之策曰孫林父甯殖同出其君若論戎

春秋左傳卷之六
首必先孫氏殖悔逐君瀕死戒其子必納君以掩惡
喜承父命攻孫氏弑殤公及其父黑背子角身犯大
逆務除先慝殤之賊獻之勲也林父則致讎于獻歿
齒不戢公獲反國據戚叛衛竟享懿氏六十以終罪
浮甯氏亟賞無誅獻卽不君何無章若此究其故皆
晉庇之也衛穆公卽位與晉宋曹同盟清丘請恤病
討貳宋伐陳衛孔達救之晉討背盟衛殺孔達以悅
其時晉衛之交尚未固也斷道再盟齊與晉隙衛世
子臧同晉侯伐齊重以新築與鞍之戰衛力攻齊以
結晉晉始與衛親孫良夫爲將善于晉大夫穆公薨

晉郤克士燮樂書來弔定公旣立良夫又與郤克伐
廡咎如同荀庚聘魯私盟益厚蟲牢馬陵衛侯親行
宋公辭會良夫侵之晉君臣之悅孫氏深矣林父見
惡於君出奔晉國衛之從晉未嘗或懈同盟于蒲會
于瑣澤與夫侵鄭伐秦惟令是聽定公如晉晉侯強
見孫林父衛不得已而納之迨乎獻公政在孫甯置
君如奕非甯喜一奮公將客死于齊曷能入夷儀歸
舊國哉林父初奔以戚屬晉晉卽以戚居林父歸衛
以後晉修會盟嘗在戚地晉厲新合諸侯則同盟于
戚晉悼謀鄭則會于戚城虎牢則會于戚通吳制楚

則會于戚戚本孫氏之食邑忽爲諸侯之孔道莫非
晉親林父以示重也獻公奔殤公立晉爲霸王義當
討逆悼公反惑于荀偃之言會戚以定殤位晉之卿
大夫盡孫氏黨也甯喜弑殤獻乃復入晉景公不能
納獻而使其國之臣殺其君以納之霸不成霸爲日
遠矣又受孫林父而執甯喜是再舛也殖喜無君其
惡一也殖附晉則親之喜背晉則執之孫甯無君其
惡一也林父附晉則親之喜背晉則執之晉之所執
執其不附已者而已矣何知順逆哉獻公歷久淹恤
急于求人知甯氏有悔心與之定盟入卽殺喜猶晉

惠殺里克鄭厲殺傅瑕懼難爲其上也獨澶淵之會
晉彊戚田以處孫氏不能出一言以祈翦除是衛侯
之威僅能加于奉我者不能加于叛我者也其誰服
焉衛鱣怨君失信則奔晉石惡慮討甯黨則奔晉母
弟之賢忠功之胤皆不能容驅之出走晉納一孫林
父而衛之亡臣盡趨于晉晉遂嘗爲衛逋逃藪乎黑
背者穆公子定公弟卽殤公剽父也定獻之時黑背
帥師侵鄭剽出聘于魯春秋憂其寵過生患後必篡
奪究其父子非有爲者也狐狸之而狐搢之忽君忽
死悉聽于孫甯可哀也夫

襄公

名惡獻公子襄三十年即位昭七年卒在位九年謚法辟地有德曰襄

襄二十九年夏仲孫羯會晉荀盈齊高止宋華定衛世叔

儀鄭公孫段曹人莒人滕人薛人小邾人城杞

三十一年冬晉人齊人宋人衛人鄭人曹人莒人邾人滕

人薛人杞人小邾人會于澶淵宋災故

三十一年

北宮文子相衛襄公以如楚宋之盟故也

衛侯在楚北宮文子見令尹圖之威儀言于

能終也

昭元年春叔孫豹會晉趙武楚公子圍齊國弱宋向戌

衛齊惡陳公子招蔡公孫歸生鄭罕虎許人曹人

于虢

六年夏宋華合比出奔衛

七年秋八月戊辰衛侯惡卒冬十有二月癸亥葬衛

襄公

靈公

名元襄公妾媯始子昭八年即位哀二年卒在位四十二年謚法亂而不損曰靈

昭十一年秋季孫意如會晉韓起齊國弱宋華亥衛北宮

佗鄭罕虎曹人杞人于厥憇

十三年秋公會劉子晉侯齊侯宋公衛侯鄭伯曹伯莒

子邾子滕子薛伯杞伯小邾子于平丘八月甲戌

同盟于平丘

十八年夏五月壬午宋衛陳鄭災

二十一年秋盜殺衛侯之兄縶

二十五年夏叔詣會晉趙鞅宋樂大心衛北宮喜鄭游吉
曹人邾人滕人薛人小邾人于黃父

二十七年秋晉士鞅宋樂祈犁衛北宮喜曹人邾人滕人
會于扈

三十三年冬仲孫何忌會晉韓不信齊高張宋仲幾衛世
叔申鄭國參曹人莒人薛人杞人小邾人城成周

定四年春三月公會劉子晉侯宋公蔡侯衛侯陳子鄭
伯許男曹伯莒子邾子頓子胡子滕子薛伯杞伯

小邾子邾國夏于召陵侵楚 秋晉士鞅衛孔圉

帥師伐鮮虞

七年秋齊人執衛行人北宮結以侵衛 齊侯衛侯盟

于沙

八年秋晉士鞅帥師侵鄭遂侵衛 季孫斯仲孫何忌

帥師侵衛 冬衛侯鄭伯盟于曲濮

九年秋齊侯衛侯次于五氏

十年冬齊侯衛侯鄭游速會于安甫

十二年夏衛公孟彊帥師伐曹

十三年春齊侯衛侯次于垂葭 夏衛公孟彊帥師伐

曹

十四年春衛公叔戌來奔衛趙陽出奔宋 夏衛北宮

結來奔 公會齊侯衛侯于牽 秋衛世子蒯瞶

出奔宋 衛公孟彊出奔鄭

十五年 夏齊侯衛侯次于渠蔭

哀元年 秋齊侯衛侯伐晉

左傳 夏四月齊侯衛侯救邯鄲圍五鹿

二年夏四月丙子衛侯元卒 晉趙鞅帥師納衛世子

蒯瞶于戚 冬十月葬衛靈公

出公 名輒蒯瞶子靈公孫哀三年即位哀十五年父蒯瞶入出奔魯哀十七年蒯瞶弒立

公孫般師十二月齊伐衛立公子起哀十八年衛逐起出公復入衛二十五年復奔宋卒于越

哀三年 春齊國夏衛石曼姑帥師圍戚

五年 夏晉趙鞅帥師伐衛

七年 春晉魏曼多帥師侵衛

十年 夏衛公孟彊自齊歸于衛

十一年 冬衛世叔齊出奔宋

十二年 秋公會衛侯宋皇瑗于鄆

十三年 秋魏曼多帥師侵衛

左傳

哀十四年夏六月宋向魍自曹出奔衛 秋

晉趙鞅帥師伐衛
十五年秋晉趙鞅帥師伐衛
冬衛公孟彊出奔

莊公名蒯賁靈公子出公輒父哀十六年即位

左傳

哀十六年春王正月己卯衛世子蒯賁自戚入于衛
衛侯輒來奔
二月衛子還成出奔宋
六月孔惺出奔宋
衛侯逐太叔遺

十七年春衛侯為虎幄于籍圃成求令名者而與之始食焉
太子請使良夫良夫乘衷甸兩牡紫衣狐裘至袒裘不釋劍而食
太子使率以退數之以三罪而殺之
夏六月趙鞅圍衛齊國觀陳瓘救衛乃還
冬十月晉復伐衛入其郭將入城簡子曰止
叔向有言曰
怙亂滅國者無後
衛人出莊公而與晉平晉立襄公之孫般師而還
十一月衛侯自鄆入般師出公入於戎州
己氏己氏殺之而取其

壁衛人復公孫般師而立之
十二月齊人伐衛衛人請平立子起執般師以歸舍諸路
十八年夏衛石圃逐其君起起奔齊衛侯輒自齊復歸逐石圃而復石
彊與大叔遺
二十五年夏五月庚辰衛侯出奔宋
二十六年夏五月叔孫紓帥師會越
臯如后庸宋樂筏納衛侯文子欲納之
懿子曰君復而虐少待之必毒于民乃睦于子矣
師侵外州大獲出禦之大敗掘褚師定子之墓焚之于平莊之上
文子使王孫齊私于臯如曰子將大滅衛乎抑納君而已乎
臯如曰寡君之命無他納衛君而已
文子重賂越人中開守郚而納公公不敢入師還立悼公
南氏相之以城鉏與越人公遂卒于越

衛自穆定以來世從晉令襄公在位日淺城杞之役

澶淵與號之會恪恭無貳傳及靈公北宮佗會于厥

慙北宮喜會于黃父于扈世叔申與諸大夫城成周

春秋列國論卷六
孔圉與士鞅伐鮮虞而同盟平丘召陵侵楚公復身
親其間篤於晉好猶先君也齊景發難執衛行人衛
忽棄晉從齊盟沙以後或盟曲濮或次五氏或會安
甫或次垂葭或會于牽或次渠蔭無非連合齊鄭謀
與晉敵晉魯之師間至于衛衛亦遂同齊伐霸銳然
不疑向厚之而今仇之向服之而今侮之何不倫也
晉定衰微霸政不行自盟臯鼫未嘗一出而主諸侯
齊景公耄而好兵心實狎晉與鄭盟鹹徵衛不至執
北宮結以脅之衛專附齊不辭伐晉霸王強則蠻方
共命霸王弱則與國構兵齊衛之君其小人哉衛事

晉和睦晉不禮焉庇其賊人而取其地諸侯貳焉襄
靈之間晉大夫先慮之矣抑胡盭不知而甲兵是問
衛靈無道固春秋所深譏也雖然外憂憂先國內憂
憂先家靈生非嫡襄公嬖人媯始之次子也爲其母
兄者有孟縶在縶弱足不立孔成子立靈公而奉之
善事伯兄措以安全靈公事也忽遭盜殺公幾罹禍
則衛無政矣齊豹北宮喜褚師圃公子朝相比爲亂
宗魯知而不告春秋惡之又加賤之曰此纍纍者日
在公孟之側莫非盜也宗魯死縶琴張欲弔孔子猶
謂彼齊豹之盜孟縶之賊况他人乎宣姜靈公嫡母

也。南子，靈公夫人也。宣姜通於公子朝，南子通於宋朝婦，姑群淫，鶉鵲不若。又一衛宣齊姜也。宣公之世，禮義消亡，男女無別，桑中刺奔，有狐刺時，淫泆成風，其流不止，文成反正，內教始脩，至靈公而宮中復蕩亂，再見矣。太子蒯瞶聞婁豬之歌，慚愧發憤，欲誅淫者。夫人卽走而啼，以殺母訴公。太子奔宋，蒯瞶之孝卽非申生。南子善譖，則驪姬也。靈公薨，欲傳位庶子，卽非申生。南子善譖，則驪姬也。靈公薨，欲傳位庶子，致國於父亡人，正南面之位。太孫居世子之職，存順沒寧慈孝，兩得稱兵拒父，欲何爲乎？或曰：蒯瞶得罪，

先君遺命，黜之，輒卽欲納國人，不許爲此說者。天下有無父之國哉？南子設絺帷而見孔子，聽車聲而識蘧瑗婦行，雖薄才智過人，內惑其君而外結其朝士，大夫羽翮成矣。蒯瞶輕而寡謀，勇而無禮，度其人素非國中所喜也。坐以殺母之名，錮以嚴君之命，終身不復衛人，安之輒貪得國衆，共與助伴尼之徒，尚有願爲之死者，迷而不反，所自來也。輒立則蒯瞶入，蒯瞶立則輒出，蒯瞶入而再出，則殺於巴氏，輒入而再出，則卒於越。父子相驅，不獲考死，突忽衍剽，禍莫酷焉。其誰致之？非靈公乎？太子出亡之年，公叔戍北宮。

春秋列國論卷六終
結奔魯趙陽奔宋公孟彊奔鄭皆畏夫人也畏夫人者日亡黨夫人者日盛四十餘年間公惟以一婦人終耳生不保其母不保其兄死不保其子不保其孫俱不顧也正名見於論語世子書於春秋聖人憫衛豈一辭而已乎

春秋列國論卷六終

春秋列國論卷之七目錄

杞 夏禹之後東婁公周武王封于杞以奉夏后氏杞自東婁公八世至成公見于春秋

武公

靖公

共公

惠公

成公

桓公

孝公

文公

平公

悼公

隱公

僖公

右總論一則

春秋列國論卷之七目錄

春秋列國論卷之七

明 婁東張溥西銘父著

杞

姒姓公爵夏禹之後禹都山西夏縣故謂夏成湯放桀其後

稍絕武王克商求夏禹苗裔得東樓公封杞以奉

禹杞其地開封府雍丘縣是也東樓公生西樓公

西樓公生題公題公生謀娶公謀娶公生武公二

十九年入春秋後嘗遷都緣陵濰州營丘是也又

遷淳于因淳于公亡國始并之淳于即古之州國

密州高密有故淳于城至閔公維之六年獲麟閔

公在位十六年為弟哀公弒哀公立十年卒潘公
子出公款立一作款立十二年卒子簡公春立一年
楚惠王滅之

武公

謀娶公子二十九年入春秋桓八年卒在位四十七年謚法刑民克服曰武

隱元左傳

八月紀人伐夷夷不告故不書

春王二月莒人伐杞取牟婁

秋七月杞侯來朝

公毅作紀侯

九月入杞

夏六月公會杞侯于郕

靖公

武公子桓九年即位莊十三年卒在位十二年謚法柔德安衆曰靖

夏六月壬寅公會杞侯莒子盟于曲池

共公

靖公子莊十四年即位二十一年卒在位八年謚法敬事供上曰共

惠公

史記作德公共公子莊二十二年即位僖五年卒在位十八年謚法愛民好與曰惠

夏伯姬歸于杞

春公會杞伯姬于洮

冬杞伯姬來

杞伯來

朝

春杞伯姬來朝其子

成公

惠公子僖六年即位二十三年卒在位十八年謚法安民立政曰成

夏公會齊侯宋公衛侯鄭伯許男曹伯于鹹

春諸侯城緣陵

冬十有一月杞子卒

桓公名姑容惠公子成公弟僖二十四年即位

襄六年卒在位一十年謚法克勤民曰桓史記無成公作德公弟

僖二十七年春杞子來朝 秋八月乙巳公子遂帥師入

杞

二十八年秋杞伯姬來

三十一年冬杞伯姬來求婦

文十年春杞伯來朝

宣十年春公伐杞

成四年春杞伯來朝

五年春王正月杞叔姬來歸

八年冬十月癸卯杞叔姬卒

九年春王正月杞伯來逆叔姬之喪以歸 公會晉侯

齊侯宋公衛侯鄭伯曹伯莒子杞伯同盟于蒲

十八年秋杞伯來朝

襄元年夏晉韓厥帥師伐鄭仲孫蔑會齊崔杼曹人邾

人杞人次于鄆

六年春王三月壬午杞伯姑容卒 秋葬杞桓公

孝公名旬桓公子襄七年即位二十三年卒在位十七年謚法五宗安之曰孝

襄九年冬公會晉侯宋公衛侯曹伯莒子邾子薛伯杞

伯小邾子齊世子光伐鄭

年十春公會晉侯宋公衛侯曹伯莒子邾子滕子薛伯
杞伯小邾子齊世子光會吳于柤 秋公會晉侯
宋公衛侯曹伯莒子邾子齊世子光滕子薛伯杞
伯小邾子伐鄭

年十一夏公會晉侯宋公衛侯曹伯齊世子光莒子邾
子滕子薛伯杞伯小邾子伐鄭 秋七月己未同
盟于亳城北 公會晉侯宋公衛侯曹伯齊世子
光莒子邾子滕子薛伯杞伯小邾子伐鄭會于蕭
魚

年十四春王正月季孫宿叔老會晉士匄齊人宋人衛

人鄭公孫蠆曹人莒人邾人滕人薛人杞人小邾
人會吳于向 夏四月叔孫豹會晉荀偃齊人宋
人衛北宮括鄭公孫蠆曹人莒人邾人滕人薛人
杞人小邾人伐秦

年十六春三月公會晉侯宋公衛侯鄭伯曹伯莒子邾
子薛伯杞伯小邾子于溴梁戊寅大夫盟
年十八冬十月公會晉侯宋公衛侯鄭伯曹伯莒子邾
子滕子薛伯杞伯小邾子同圍齊

年二十夏六月庚申公會晉侯齊侯宋公衛侯鄭伯曹
伯莒子邾子滕子薛伯杞伯小邾子盟于澶淵

二十二年冬公會晉侯齊侯宋公衛侯鄭伯曹伯莒子邾子薛伯杞伯小邾子于沙隨

二十三年春三月己巳杞伯旬卒 夏葬杞孝公

文公 名益姑桓公子孝公弟襄二十四年即位昭六年卒在位十四年謚法慈惠愛民曰文

襄二十四年 秋公會晉侯宋公衛侯鄭伯曹伯莒子邾子

滕子薛伯杞伯小邾子于夷儀

二十五年夏公會晉侯宋公衛侯鄭伯曹伯莒子邾子滕

子薛伯杞伯小邾子于夷儀

二十八年 左傳 夏齊侯陳侯蔡侯北燕伯杞伯胡子沈子白

狄朝于晉宋之盟故也

二十九年夏仲孫羯會晉荀盈齊高止宋華定衛世叔儀

鄭公孫段曹人莒人滕人薛人小邾人城杞 杞

子來盟

三十三年冬晉人齊人宋人衛人鄭人曹人莒人邾人滕

人薛人杞人小邾人會于澶淵宋災故

昭四十四年夏楚子蔡侯陳侯鄭伯許男徐子滕子頓子胡

子沈子小邾子宋世子佐淮夷會于申

六十六年春王正月杞伯益姑卒 夏葬杞文公

平公 名郁釐史記作鬱平公弟昭七年即位二十四年卒在位十八年謚法治而無情曰

平公

昭七年傳

晉人來治杞田季孫將以成與之謝息為孟孫守不可曰人有言曰雖有挈餅之知守不假器禮也夫子從君而守臣喪邑雖吾子亦有猜焉季孫曰君之在楚於晉罪也又不聽晉魯罪重矣晉師必至吾無以待之不如與之間晉而取諸杞吾與子桃成反誰敢有之是得二成也魯無憂而孟孫益邑子何病焉辭以無山與之萊柞乃遷于桃晉人為杞取成

十一年秋季孫意如會晉韓起齊國弱宋華亥衛北宮

佗鄭罕虎曹人杞人于厥愁

十三年秋公會劉子晉侯齊侯宋公衛侯鄭伯曹伯莒

子邾滕子薛伯杞伯小邾子于平丘

二十四年秋八月丁酉杞伯郁釐卒冬葬杞平公

悼公

名成平公子昭二十五年即位定四年卒在位十二年謚法年中早夭曰悼

昭二十六年秋公會齊侯莒子邾子杞伯盟于鄆陵

三十二年冬仲孫何忌會晉韓不信齊高張宋仲幾衛世

叔申鄭國參曹人莒人薛人杞人小邾人城成周

夏杞伯成卒于會秋葬杞悼公

隱公

名乞悼公子即位月為弟過殺謚隱哀也

僖公

名過弑兄隱公自立定五年即位哀八年卒在位十九年謚法小曰畏忌曰僖

哀八年冬十有二月癸亥杞伯過卒

過音

九年春王二月葬杞僖公

春秋列國傳

閔公名維僖公子哀九年即位六年獲麟在位

杞在春秋煩諸侯者有二。一曰城緣陵。一曰城杞。城緣陵者淮夷病杞。齊桓公率會鹹諸侯。城緣陵而遷之也。城杞者晉平公固杞。出率諸國之大夫治杞也。齊桓存三亡國。書法各異。書城邢。不書城夷。儀者邢遷於夷。儀夷。儀固邢地也。書城楚丘。城緣陵者衛已滅。而諸侯城楚丘。以封衛。故不曰城衛。而曰城楚丘。杞未遷。而諸侯城緣陵。以存杞。故不曰城杞。而曰城緣陵也。城邢三師少。故列序其名。緣陵八國多。故總稱諸侯。楚丘魯國自行。故以內辭。書緣陵。諸國同行。

故以諸侯書。春秋據事無詞費也。齊城緣陵。其事雖專。其心則公。諸侯同會。樂於用命。晉平城杞。以悼夫人之故。遍役十一國。鄭衛與魯皆怨之。疑其不恤周宗。而屏夏肆。以其私也。是故齊城三國。仲山甫之城。東方也。晉城杞。周平王之戍申也。仲山甫之功著於東方。尹吉甫美之。為賦。烝民。平王不撫其民。遠戍毋家。周人怨思。揚之水。作焉。學者讀二詩。即可以知齊晉之得失矣。然魯隱四年。杞武公始見。經莒人伐杞。取牟婁諸侯。相伐。取地。于是乎始。既而朝魯不敬。桓公入之。邾之會。曲池之盟。屢見書焉。雖傳春秋者。或

以爲紀或以爲杞顧東婁之餘子孫微矣魯莊公二十五年伯姬歸于杞蓋杞惠公也逾年經書公會杞伯姬于洮又書杞伯姬來杞伯來朝杞之親魯可謂勤矣惠公卒成公立成桓公立成桓者何皆伯姬子也魯僖公時杞伯姬來朝其子子卽杞成公也先王之制諸侯未冠而卽位謂之童子侯童子侯不朝不可以人臣之禮接也伯姬歸杞方十三年其子安能勝朝而來朝者伯姬憂杞弱以子爲魯甥欲預託于魯也成卒惠立兄弟相及國勢日降卽來朝魯魯人責禮公子遂率師入杞杞伯姬來朝而謝過未

幾又來求婦伯姬之望僖公迫矣文公之世一書杞伯來朝宣公之世一書公伐杞成公之世一書杞伯來朝二書杞叔姬來歸三書杞叔姬卒四書杞伯來逆叔姬之喪以歸春秋之記杞也詳哀杞也甚伯姬者莊公女叔姬者僖公女卽伯姬爲杞桓所求婦也伯姬歸杞猶書于經魯莊尚存能備禮也叔姬歸杞經無書焉僖公旣没文公簡禮不足書也伯姬旣歸四來于魯越境馳驅夫豈好勞念國小而求魯援託子聘婦綢繆自結充其志卽許穆夫人之志也叔姬嫁薄先爲杞輕老而被出出非其罪其來歸也異乎

齊子叔姬邾伯姬之來歸矣。杞世朝魯，又兩娶魯。兄弟之國，係以甥舅禮，當有加而反。兩書伐，既使伯姬不能善其後，又使叔姬不能安其身。魯先無親，遂忍絕杞。杞桓享國歲久，歷魯四公，晚而棄婦，意將對魯改而事晉。盟蒲次，鄆再從晉，令其後孝文平悼。終春秋，無朝魯者。杞之一變而爲晉魯驅之也。盟于毫城北，而有杞會于蕭魚，而有杞會于溴梁，而有杞盟于澶淵，而有杞會于沙隨，而有杞兩會于夷儀，而有杞以至會吳伐鄭，伐秦圍齊，莫不有杞。及魯襄二十九年，而晉遂城杞矣。晉悼復伯中國，交賴數令杞從班。

于諸侯之取杞女爲國夫人，以杞王者之後親而厚之尊，而異之也。平公繼政，城杞是謀。杞地東近于宋，西近于鄭，西南近于陳許，陳許以南皆服于楚。宋鄭之地，楚復數爭。杞介其間，倚宋爲固，盟宋以來，宋更事楚。杞益失庇，不可無城。晉雖役列國之大夫，內奉母家，抑以捍中國，而隔蠻楚，亦諸侯之所利也。魯薄二姬，輕與杞絕，雖有兄弟，不可據矣。晉平念母情深，渭陽周道，親親君子，于此又不容不寬。晉而嚴魯也。杞成在位，齊城緣陵，國有寧宇，傳及文公，藉晉城杞。楚無北轅，澶淵厥慙，平丘鄆陵奕世服伯，成周之城。

春秋列國論卷七終
悼公卒位春秋嘉之許恃楚而滅杞恃晉而存夏餘
無忝豈可以東夷貶哉魯成失杞無異鄭襄失許城
杞之役杞文來盟晉治杞田魯始不堪前拒其朝後
受其盟遷桃取成徒爲諸侯笑耳

春秋列國論卷七終

春秋列國論卷之八目錄

紀姜姓侯爵
炎帝之後

論一則

春秋列國論卷之八目錄

春秋列國論卷八

明 婁東張溥西銘父著

紀

姜姓侯爵炎帝之後其地在東筦劇縣本在東海

贛榆縣紀章城

今屬淮安府海州是也

後遷北海劇縣漢志

有紀亭紀訛為劇在青丘臨胸縣東

胸音劬

壽光縣

西故魯連曰胸劇之人辨今青州府壽光縣西南

三十里有紀城內有臺旁有劇南城即漢縣也為

齊滅

隱元左傳

年八月紀人伐夷夷不告故不書

春秋列國論

卷八紀

紀

二年秋九月紀履緌來逆女冬十月伯姬歸于紀 紀

子伯莒子盟于密

七年春王三月叔姬歸于紀

桓五年夏齊侯鄭伯如紀

六年夏四月公會紀侯于邾 冬紀侯來朝

八年冬祭公來遂逆王后于紀

九年春紀季姜歸于京師

十三年春二月公會紀侯鄭伯已巳及齊侯宋公衛侯

燕人戰齊師宋師衛師燕師敗績

十七年春正月丙辰公會齊侯紀侯盟于黃

莊元年冬齊師遷紀邢鄆郟

三年秋紀季以鄆入于齊

四年春三月紀伯姬卒 夏紀侯大去其國 六月乙

丑齊侯葬紀伯姬

十二年春王三月紀叔姬歸于鄆

二十九年冬十有二月紀叔姬卒

三十年夏師次于成 秋七月齊人降鄆 八月癸亥

葬紀叔姬

紀莒盟密外相盟之始也紀迫于齊與紀唇齒也出相要盟其憂齊乎天下無主小國不寧私為盟會衰

春秋列國言卷八
世之不得已也。紀盟密于隱公之二年，去國于莊公之三年，其亡也相距止三十餘年耳。三十餘年之間，紀自圖存與魯爲紀謀，春秋備書，蓋交閔之。紀履緌至魯，逆女伯姬歸于紀，越五年叔姬又歸焉，皆惠公女也。伯姬爲嫡，叔姬爲媵，紀姜姓侯爵炎帝之後，國小于陳、宋，而世遠于三恪，魯所素重也。桓公五年，齊僖公、鄭莊公如紀，齊、鄭強國二君奸雄親降于紀，欲致之也。齊謀致之而挾鄭先往，將圖討焉，而姑以禮下之也。邾之會，紀諮齊，難冬又來朝，欲請王命求成于齊也。魯雖告不能中心，未能忘紀，因祭公之來爲

紀納女，祭公專報，遂往迎焉。于是紀侯之女季姜儼然爲周桓王后矣。紀妃則魯女，女則周后，婚姻之厚榮于諸侯。齊僖卽志吞紀，豈容遽滅后家乎？魯于紀也，旣爲之謀，齊又爲之結，鄭紀侯、鄭伯同會，魯喜紀再得助矣。孰知齊連宋公、衛侯、燕人而來戰也。紀魯鄭爲一師，齊、宋、衛、燕爲一師，七國分黨而大合如此。戰者終，春秋亦僅耳。齊僖公卒，襄公立，魯桓、冀齊之能怨紀也，爲之求平，乃盟于黃。然方盟而卽有奚之戰，齊于魯且寒盟焉。何有于紀？魯桓卒，紀益無恃，齊師遂遷紀、邾、郟，徙其民，取其地，紀失三邑，其國必

春秋列國論卷之八終
亡。紀。侯。之。弟。季。懼。先。君。之。無。嗣。也。以。鄆。入。于。齊。曰。請。
後。五。廟。以。存。姑。姊。妹。紀。竟。判。爲。附。庸。矣。明。年。春。紀。伯。
卒。夏。紀。侯。大。去。其。國。兩。月。之。內。妃。喪。而。國。亡。春。秋。之。
國。其。無。紀。乎。紀。亡。矣。所。存。者。惟。鄆。伯。姬。卒。矣。所。存。者。
叔。姬。鄆。者。紀。季。之。所。守。也。卽。叔。姬。之。所。歸。也。曰。宗。廟。
在。焉。伯。姬。之。卒。也。齊。襄。葬。之。叔。姬。之。卒。也。魯。莊。葬。之。
齊。襄。葬。伯。姬。非。哀。紀。也。欲。以。不。忍。之。名。詐。於。諸。侯。也。
魯。葬。叔。姬。紀。滅。已。久。其。時。卽。好。義。如。齊。桓。不。忍。之。心。
已。忘。之。矣。春。秋。惡。齊。之。滅。紀。也。急。欲。存。紀。曰。伯。姬。叔。
姬。欲。以。魯。女。存。之。也。曰。紀。季。姜。欲。以。王。后。存。之。也。諸。

侯。之。女。存。之。不。得。則。望。之。天。王。之。后。宗。國。存。之。不。得。
則。望。之。京。師。兩。者。俱。不。能。存。而。勉。出。于。戰。戰。卽。勝。不。
能。支。而。勉。出。于。盟。背。盟。而。遷。齊。遷。之。也。旣。遷。而。入。紀。
自。入。也。鄆。入。則。無。國。侯。去。則。無。君。介。弟。慕。微。子。之。義。
庶。弟。矢。共。姜。之。節。齊。之。爲。齊。則。已。甚。矣。而。公。羊。氏。猶。
以。爲。紀。之。先。祖。譖。齊。哀。公。于。周。夷。王。周。烹。哀。公。襄。公。
滅。紀。大。復。九。世。之。讎。殆。因。齊。桓。之。伯。而。追。諛。其。父。兄。
乎。

